

NGINGANCOBA KANJANI NA?



Asikhotsamise tinhloko tetfu sentele umkhuleko.

Babe wetfu, siyaKubonga, manje ekuseni, ngalesikhatsi lesi lesihle sekuhlangana ndzawonye futsi, nekuvula Livi leNkholosi, Lelibekwe lapha embikwetfu. Na—nangemkhuleko manje, kutsi uMoya loyiNgcwele utotsatsa loko lokunguNkulunkulu, futsi Utokwetfula kitsi, kuze sisuke kulendzawo yekukhontela namuhla sinetinhlitiyo letijabulile letigcwele intfokoto. Sibona emandla aKho lamakhulu ekukhululwa, Nkhosi, kutsi abakhulula kanjani labatfunjiwe futsi abakhulule, asatise “letintfo leyayikhona, nalekhona, naletako.” Futsi siyaKubonga nje ngaletintfo leti.

² Siyakhuleka kutsi Utosibusisa njengoba sisadadisha Livi laKho ndzawonye manje. Futsi uma sesihamba, kwangatsi kungashiwo etinhlitiyweni tetfu, sisahamba endleleni, “Tinhlitiyo tetfu betingavutsi ngekhatsi kitsi lapho Yena, uMoya loNgcwele, akhulumna natsi ngesikhatsi sisendleleni.”

³ Busisa wonkhe umshumayeli namuhla, ndzawotonkhe, tinceku taKho lemele loKu, liCiniso laKho. Phendvula imikhuleko yabo yalabagulako. Philisa imitimba legulako yalabo labahluphekile.

⁴ Nkhosi, sitocela kutsi Uphumele ngaphandle emkhatsini walabantfu futsi ufune leyombewu lemiselwe ngaphambili ngaphandle lapho, Nkhosi, futsi uyiletse ngalapha, ngandllela tsite, kutsi kuKhanya kutowela ngesheya kwendlela, Nkhosi. Ngoba, sikholwa kutsi li-awa lishiywa sikhatsi, lilanga lishona ngekushesha enshonalanga, ngako-ke masinyane kutawuba kutsi “sikhatsi angeke sisabakhona.” Sikhatsi neliPhakadze kuyohlangana ndzawonye khaca lapho Nkulunkulu nebantfu baKhe kuhlangana ndzawonye khaca. Futsi siyakhuleka, Nkulunkulu, kutsi, ngalesikhatsi, kutsi siyobalwa emkhatsini walabo labayohlanganiswa khaca kuKhristu, lobitwa ngeMlobokati waKhe.

Sisite, namuhla, njengoba silungiselela, singati kutsi likusasa litobe liphetseni, kodvwa sesilungele kwemukela noma yini, Nkhosi, ngekwati kwetfu, Wena lonako ngatsi. Sesilungele kulemukela. Sicela lesibusiso lesi nganca yenkhatimulo yaNkulunkulu, eGameni laJesu Khristu. Ameni.

Ningahlala phansi.

⁵ Ngijabule sibili, manje ekuseni, ngesikhatsi ngingena ngase ngibona kutsi ba—bantfu babutsene ndzawonye ngenkonzo yeNkhosi. Futsi siniketa simemetelo manje sakusihlwa. Kutawuba nenkonzo yekuphilisa kusihlwa. Sitawube

sikhulekela labagulako, kusihlwa. Emizuzwini lembalwa nje leyendlulile, bona...

⁶ Nangisangena, Billy, indvodzana yami, ungitjelile, watsi, "Kune—nemnumzane lohloniphekile lapha, loyindvodza lehluphekako nje loshayele kusukela ebangeni lelidze." Futsi utsite, "Ngi—ngimfake ekamelweni, Babe."

⁷ Ngi—ngingene emvakwesikhatsi itolo ebusuku, futsi—futsi angikakhoni kutfola kudadisha kakhulu esifundvweni saSontfo sikolwa lebengitokhuluma ngaso, manje ekuseni. Ngako ngitsetse lamanye emanotsi lamancane lengiwatsetse kuloko lengeva lomunye umnaketfu akusho, futsi ngatsatsa kulesosihloko, kutsi kuba nesifundvo saSontfo sikolwa manje ekuseni; futsi sisalungiselela, futsi silungiselela inkonzo yakusihlwa.

⁸ NaBilly utsite, "Kunendvodza ekhatsi laphaya legulako." Watsi, "Ngi—ngi—ngifisa kwangatsi bewungahamba wendlule ngakhona futsi uyibone." Ngako, ngingene kulelikamelo manje nje. Nemnaketfu lotsi akabe nguntsanga yetfu, nemkakhe, bahleti ekhatsi lapho. NaMoya loyiNgcwele wehla emkhatsini wetfu kulelikamelo manje nje.

⁹ Cabangani nje, kuphatsa inkonzo nje yekophilisa, futsi Nangu sekakhona. Niyabona na? Futsi Utjele lomnaketfu ngako konkhe mayelana nalebekakwentile, nalebekasolo akwenta, nalokubangele lenkinga yakhe, nekutsi uvelaphi, nako konkhe ngaye. Futsi kube nalelikhulu litfunti lelimnyama lilenga kulelikamelo. Kwase—ke kucala kukhanya kakhulu, kwakhanya kakhulu, kwakhanya kakhulu, futsi kwakhanya kakhulu, wase—ke uMoya loyiNgcwele wabamba.

¹⁰ Manje, ngicabanga kutsi lendvodza ise...ndzawanatsite emuva lapha manje. Yona nemkayo mhlawumbe abakhoni kungena kulesakhiwo, kodvwa batsite batohlala, empeleni, bentele inkonzo. Bavela enhla ngakhona, edvute naseYakima, eWashington, futsi bashayela beta. Futsi ingumshumayeli weliVangeli.

Kodvwa nje kubona nje umusa wa—waNkulunkulu lapho! Lapho, lendvodza beyikadze isesibhedlela futsi inekwelashwa nayoyonkhe intfo. Moya loyiNgcwele wembula konkhe loku. Ngesikhatsi, bodokotela betama kamatima kwenta konkhe lebebangakwenta, encenye, ngalendvodza, kodvwa nje kutsetse loko kutsintsa lokutsite lokuncane lokuvela kuNkulunkulu, kujikisa leligagasi. Kwelapha kwetfuka kulungile, kodvwa kuluuhlobo lolufana nekutsi besingakubita ngekutsi "kujovela entimeni," niyati. Wena, kungahle kukwente ubemubi kakhulu, niyabona, ngoba bewutokhohlwa nguyoyonkhe intfo lowake wayati, uma bafaka lowomutsi kuwe. Kodvwa iNkhosi Nkulunkulu, kutsi unjani umusa waKhe nesihawu! Futsi ngisho ngaphambi kwekutsi ngike ngimthandazele, bese

kuvele kuperhelile. Niyabona na? Kubite nje leyontfo letsite yaNkulunkulu, loko kutsintsa lokutsite, kukwenta.

Bengingakafaneli ngikusho loku. Ya. Bengingabuka ngale, ngiyibone lendvodza manje. Yebo-ke, bengingati kutsi bewutophumelela yini namuhla, noma cha.

¹¹ Entasi eveni lapho bengihlala khona, kuleliviki. Ngi—ngi—ngiyabatsandza bangani bami entasi lapho. Kuliholidi lelincane ngaphambi kwalemihlangano lemikhulu, niyabona. Futsi ngite ekhaya, kutsi ngiye entasi lapho futsi ngiphume ngiyotingela tikwireli nalabazalwane laba. Nalomndeni, iminden, njalo, lengihlala nayo entasi lapho, babantfu labatsandzekako sibili. Nalendvodza, umnaketfu sibili, bangani; bangibo.

Futsi lomunye wabo ungumtsandzi lomkhulu we—wetinja tekutingela. Futsi unelihhoko leligcwele tona enhla lapho. Futsi—futsi ngibone inj a lencane lenhle kunatotonkhe entasi lapho, umfo lomncane, bekanguloko lengikubita cishe ngekutsi, “nguhhafu wenja kuphakama netinja letimbili budze,” uyati, le—lebeyigijima indlu yonkhe lapho. Futsi ngacabanga, “Hhe, Joe bekangeke atsandze kuba nentfo lenjengaley!”

¹² Futsi, kusobala, ngephandle eArizona, akakhonanga kuyisebentisa. Beyiyongena emdolofiyeni, naloko bekuyoba kuphela kwayo. Ngako-ke ngatsi, nami, “Ungeke ukhone kuba nayo. Abatisebentisi tinja ekhatsi lapho, kuleyoncenye yelive. Ngoba, bona, yebo-ke, bangeke nje bakhone kutisebentisa bona. Bebayo...futsi, lesimo selitulu, le—lesimo salelive sinemdolofiya, futsi betiyokufa.” Futsi-ke, liciniso, inj a lenkhulu ngephandle lapho, i—imphisi, noma intfo letsite ingayibulala, mhlawumbe, empeleni, kube beyingaphuma.

¹³ Ngako-ke lendvodza yatsi kimi, “Ungayitsatsa nje.” Kodvwa a—angikhonanga kuyitsatsa. Nga—ngayitfokotela nje. Ngase ngitfola kutsi, kwakungulenyne yetinja takhe latitsandza kakhulu.

¹⁴ Nalendvodza inemkayo lomncane lotsandzekako lonebantfwanyana labancane. Futsi kulololunye lusuku, lowesifazane wacala kubuya aphume ngemoto yallowesilisa, futsi bekanalemoto iOldsmobile. Nenja lencane itsi ayibe yindze *kanjalo*, umdlwane nje. Wase ugijima ucondza ngco etikwayo. Leyo Oldsmobile ihamba ngco etikwalenja lencane, emhlane wayo *lapha*, futsi yayifihlita phansi, lapho emadvwala asesigwacwaneni lesingena ekhaya bekavele nje ancinta abhoboza sisu sayo lesincane phansi lapha, niyati. Na—nalomkakhe lomncane, esikhundleni sekugijimisa inj a lencane iye kudokotela wetilwane...Kusobala, dokotela wetilwane bekatovele nje ayilalise ngaso lesosikhatsi, futsi ayibulale. Niyabona?

Kwakukhona lenye insizwa inami. Futsi kwatsi ingenyukela lapho, yatsi, “Kube leyo bekuyinja yami, bentoyidubula.” Yatsi, “Nguloko kuphela. Ngiyyikele ive buhlungu kanjalo na?”

¹⁵ Ngatsi, “Yebo-ke, asingayidubuli.” Ngatsi, “Ake silindze kancanyana.”

Kwasuswa wonkhe umuntfu, ngase ngiyahamba futsi ngayikhulekela. Lenja lencane yangilandzela yen Yukela kuvulande lomncane wendlu. Futsi yena, [Libandla liyajabula—Umhl.] yebo, yena... Niyabona na? “Noma tintfo tini lenitifisako, uma nikhuleka, kholvani kutsi nitokwemukela; nitoba nako, nitonikwa kona.” “Noma tintfo tini.” Leyo yiNkhosi Nkulunkulu wetfu. Akusiko na? [Libandla litsi, “Ameni.”] Yena—Yena muhle kakhulu futsi uymangalisa. Futsi siMtsandza sibili, manje ekuseni; futsi siMlindzile, futsi sati...

¹⁶ Ngibone, ngalololunye lusuku, ti—titsandzani letindzala, make nababe balilunga lelihle kakhulu laleli—libandla lemakholwa. Nalomake u, o, ngiyacabanga usondzele ekskulwini, nababe unjalo, naye. Futsi lapha eminyakeni lelishumi nakubili lendvodza yayingakaze inyakate; ngemhlane wayo, nje ilele icondze tfwi. Noma, ayikhoni kulala ngeluhlangotsi lwayo, noma lutfo. Yalala lapha iminyaka lelishumi nakubili. Iminyaka yebudzala nje. Nalomake manje sewutsi akabe seminyakeni yakhe budzala, ngiyacabanga, ngalapho kusondzela ekskulwini, naalentfo lendzala tatane seyitsi nje ayilahlekelwe kulawula kwengcondvo yakhe. Icabanga kutsi umuntfu lotsite utsatsa konkhe lanako.

Futsi ngabuka e...ngale kwelitafula, kitsi sonkhe, labasha nalabadzala, sihleti lapho. Ngase ngitsi, “Siyaphi na? Sentani na?” Nalodzadze lengangahlala naye ngalesosikhatsi, lobekangumake wakhe nababe. Ngase ngitsi, “Ucondze kuleyondlela, nawe. Impela, sonkhe.” Niyabona na?

¹⁷ Kucabangeni nje, umzuzwana nje, ngaphambi kwekutsi sicale sifundvo setfu. Ngulapho la niconde ngakhona. Nitizabalazela ini na? Kute niphile. Niphilela ini na? Kuze nife. Bekungeke yini kube buwula lobukhulu kakhuuma singakwemukelanga kuniketela kuPhila lokuPhakadze kwaNkulunkulu na? Besingacabanga ngani na? Yini—yini lebeyingaba semcondweni wetfu, lebeyingakhanga kunaka kwetfu e...kunoma yini na? Kube-ke bewunemadola latigidzi letilikhulu, futsi unesifundza sase—sase—Indiana, noma ngusiphi lesinye sifundza, noma ngisho sive, noma, mayelana naloko, umhlaba wonkhe jikelele na?

Uphila sikhatsi lesidze ngalokwenele, ufanele ufiike kuloko, nawe. Niyabona na? Futsi njalonjalo, lusuku nelusuku, njalo uma inhlitiyo yakho ishaya, ucondze khona ngo kuloko. Niyabona na? Wena, akukho kuwina kwakho. Ungaseluhlangotsini lolulahlekelwako, futsi, wena, ufanele

ulahlekelwe. Kodvwa khumbula setsembiso, kutsi, "Loyo loyolahlekelwa kuphila kwakhe ngenca yaMi uyakutfolo." Manje, kuphi lokunye futsi kwengcebo lobewungakutfolo kunekuPhila, naloku nje bewutfole umhlaba wonkhe waba wakho na? Kodvwa, uma u—uma utfola kuPhila, utfole intfo lenkhulu kunato tonkhe lebeyingatfolwa. Ngifuna ku . . .

¹⁸ Ngibuke ngesencele sami ngase ngiyabona futsi, manje nje, lomunye umklomelo wemusa weNkhosi. Cishe emavikini lambalwa lendlulile, ngabitelwa elucingweni. Nelilunga lelitsandzekako lalelibandla, noma lomtimba . . . Angifuni kubita loku kakhulu kangako njengelibandla. Ngi—ngifuna kubita loku, loko . . .

Njengoba bengikhuluma kulabanye bantfu, batsi, "Yebo-ke, usontsaphi na?"

Ngatsi, "Angisontsi . . ."

"Uwakuliphi lihlelo na?"

Ngatsi, "Kute."

Batsi, "Yebo-ke, awakuliphi ke?"

Ngatsi, "UMbuso."

¹⁹ UMBuso! "Futsi ngaMoya munye sibhabhatiselwe kulowoMBuso." NgaMoya munye, sonkhe, kuloMBuso! Jesu watsi, "Khulekani nitsi, 'UMbuso waKho awufike. Intsandvo yaKho ayentiwe emhlabeni, njengoba yentiwa naseZulwini.'" Manje, Wema ngalelinye lilanga phambi kweNtsaba yekuGuculwa simo, Watsi, "Ngicinisile Ngitsi kini, kutsi labanye beme lapha, labangayukuva kufa, baze babone uMBuso ufika ngemandla." Kwakukubiketelwa, njengoba sendlule kuko, iNtsaba yekuGuculwa simo. NeliBhayibheli latsi, "UMbuso waNkulunkulu ungekhatsi kini." Ngako, Iona bantfu beMBuso lotisho kutsi leli akusilo likhaya labo. Leli akusilo likhaya letfu. Sibuke kuBuya kweNkhosi, imise uMBuso.

²⁰ Ngabitelwa eludzabeni loluphutfumako, lwe—lwemnaketfu lomdzala lobekafana nababe kimi. Futsi u . . . Beningakamati sikhatsi lesidze kakhulu, kodvwa ngiyalukhumbula lusuku lengamgenisa ngalo lapha lwembhabhatiso wemanti. Nalendvodza masinyane itoba neminyaka lengemashumi layimfica nakunye budzala. Nemkayo lotsandzekako wangibita, naye angunesi, watsi, "Ubenekumelwa ngci yinhliyiyo." Ngaphandle kwaloko, bekane . . . O, ngibita . . . angikhoni kubita leligama. Kuhlaselwa yinhliyiyo. [Dzadze utsi, "Kuvaleka kwengati." —Umhl.] Kuhlaselwa yinhliyiyo yekuvaleka kwengati. Ngiyabonga. Kuhlaselwa inhlitiyo kwekuvaleka kwengati, nekumelwa yinhliyiyo ngci. Dokotela akaniki matsembo, nhlobo. Nalendvodza beyifa futsi, futsi yangibita.

²¹ Ngase ngingena kuFord yami lendzadlana, ngase ngenyuka ngemgwaco ngiya e—Ohio, ngalokukhulu kushesha

lengangingakwenta. Futsi ngangingati, lelinye lemasondvo ami liphumile emgceni, yahlephula lithayi yalikhipha kuyo. Futsi ngako-ke ngi...ngifika etulu lapho. Ngiphuma egaraji laphetroli, cishe ngensimbi yelishumi nakunye nco. Ngangikhatsatekile ngayo. Ngi—ngiyayitsandza. Futsi ngiyati, uma—uma kuchubekela embili, iNkhosi ilibala, leni, masinyane kakhulu noma kamuva, kutodzingeka sidzelane.

²² Kodvwa, loko ngeke kululimate luHlwitfo, manje. Niyabona na? Cha. Befika kucala, ngalesosikhatsi. Bona banenhlanhla, losewashona. Befika kucala. Niyabona na? Niyabona na? "Tsine lesisaphila futsi sisasele, kuze kube sekubuyeni kweNkhosi, asiyubavimbela noma sibendvulele labo labalele. Licilongo laNkulunkulu liyokhala; labafile kuKhristu bayovuka kucala. Khona-ke lapho emehlo etfu abona labatsandzekako betfu, khona-ke siyoguculwa, ngesikhashanyana, ngekuphatima kweliso, futsi sikanye nabo siyohlwitwa kanyekanye." Niyabona na? Labo lohamba kucala banenhlanhla ngetulu kwalabo labaphilako.

²³ Lapho ngiphuma egaraji, ngensimbi yelishumi nakunye nje, Moya loyiNgcwele watsi kimi, "Ungakhatsateki ngayo. Utoyichawula, esitaladini futsi, futsi itota enkonzweni," indvodza leneminyaka lengemashumi layimfica nakunye budzala, ifa.

Ngesikhatsi nighlangana nemkayo nalabatsandzekako bayo esibhedlela eLima, bangitjela ngesimo sayo. Ngangena, ngayibuka ekhatsi lapho. Watsi, "Kodvwa iyintfo lengakejwayeleki." Watsi, "I—icale kuntjintja ibencono, ngensimbi yelishumi nakunye." Yebo-ke, futsi bengiyo... INkhosi yayibakhombisile labobantfu tintfo letinengi kakhulu, bayati nje kutsi angikushongo loko. Ngoba, bakusho kimi kucala, "Icale kuntjintja." Bebatu kutsi ngangitbatjela liciniso.

²⁴ Ngako, ngeliSontfo lelendlulile, lapho nje ngiyongena eBlue Boar Cafeteria eLouisville, lapho ngicabanga khona kutsi cishe emaphesenti langemashumi lasiphohlongo alelibandla abutsana ngeliSontfo ntsambama, kutsi adle, ngubani ke lengambona eta ehla ngesitaladi na? Ngianitjela, inhlitiyo yami yavevetela ngesikhatsi ngibona uMnaketfu Dauch eta ehla ngesitaladi, kona kanye nje Lalangitjela kona. Ngamchawula, e—esitaladini.

²⁵ Ngase-ke ngi—ngibuya lapha ngeliSontfo lelendlulile ebusuku futsi ngakhulumu ngesifundvo sekuhlangana, lesitsi *Sikhatsi Sekuhlangana Sesibonakaliso Sesikhatsi*. Ngako... Kwase-ke loko kuyakufeza, loko nje Lakusho. Futsi nangu uhleti labandleni namuhla, khona lapho ngakitsi, njengemklomelo wemusa waNkulunkulu. Ngesikhatsi ngichawula sandla sakhe ngaphansi kwelithende, lithende le-oksijini lebekangaphansi kwalo, ngatsi, "Mnaketfu Dauch, utoba kahle. Ngitokubona enkonzweni futsi. Lowo, ngu ISHO KANJE INKHOSI."

Niyabona na? Nangu uhleti lankonzweni, khona lapha manje, Mnaketfu Dauch.

²⁶ Uma ngingaphosisi, lomfundisi lebengikhuluma ngaye, emizuzwaneni lembalwa leyendlulile, Moya loyiNgewe wangen futsi wembula tonkhe letintfo leti; wamtjela kutsi kwenteka kanjani, futsi wamtjela lakwentile; kutsi kwenteka kanjani, kutsi kufezeka kanjani, konkhe lobekwenteka kusukela ngalesosikhatsi, kuze kube ngisho sesimilwensi semndeni wakhe, nako konkhe ngaloko. Futsi wamtjela, kutsi, "Sekuphelile." Nalomfundisi uhleti khona ngalapha, ngasesandleni sekudla. Ungasiphakamisa nje sandla sakho, mnumzane na? Lapho, yena nemkakhe, impela, njengamanje.

Nangu uhleti uMnaketfu Dauch, khona lapha ngco manje. O, hhe!

²⁷ AKamangalisi na? [Libandla litsi, "Amen."—Umhl.] "Letotintfo leyayikhona, lekhona, naleyofezeka." Munye, lababili, bofakazi labatsatfu. "Tintfo leyayikhona, lokwentile; tintfo leyentekako manje; netintfo letiyofezeka." Futsi ngasosonkhe sikhatsi, impela, impela etikweLivi. Lowo kuperha nguNkulunkulu longenta loko. O! Asikatfokoti yini kakhulu ngaletintfo leti na? ["Ameni."]

²⁸ Manje, sizatfu bengitsatsa nje kwelula sikhatsi kancanyana, Billy udzingeke kutsi ahambé alandze umkakhe nemntfwana. Futsi utsite, "Babe, ungacali kushumayela ngize ngibuye." Ngako, ngi—ngicabanga kutsi sewubuyile manje. Futsi ngifanele ngibe nalesosikhatsi lesingako, empeleni. Futsi ngitama kusuka kulama-awa lamane ekukhandileka lenginibeka nonkhe ngaphansi kwawo lapha, futsi ngikwente kube ngemashumi lamatsatfu nesihlanu, imizuzu lengemashumi lamane, niyabona, futsi ngitame kukugcina.

²⁹ Manje, nganconya ngalesinye sikhatsi eChicago. Ngakwenta kwaba ngumzuzu longemashumi lamatsatfu, noma intfo letsite, imizuzu lengemashumi lamatsatfu nesihlanu. Futsi ngeliSontfo leliphelile ebusuku kwaba yimizuzu lengemashumi lamane nesihlanu kuperha. Billy watsi, "Sewubancono mbamba, babe. Ngitsi kuba nekutichenya ngawe, ngaloko."

³⁰ Yebo-ke, mhlawumbe, manje ekuseni, kukwenta kube luhlobo lwaSontfo sikolwa loluncane, anginawunihlalisa sikhatsi lesidze kakhulu. Khona-ke nitophuma futsi nibe nelidina lenu, futsi nikhuleke, bese niyabuya kusihlwa ngetinkonzo tekuphilisa. Sitokwenta lilayimi lalabakhulekelwako kusihlwa futsi sikhulekele labagulako.

³¹ Manje, uma bakhona bantfu lenibatiko ngalapha, nomakuphi, logulako futsi lofuna kukhulekelwa, baletseni lapha kusihlwa. Niyabona na? Uma nitodzingeka nibaletse, nomangayiphi indlela, baletseni lapha. Niyabona na? Leyo yintfo lenkhulu, kutsi, nibaletse lapha kusihlwa. Sonkhe

sihangana ndzawonye. Leyondlela...Kulukhuni kushaya tincingo, uya etindzaweni ngetindzawo; khona-ke ushiya lomunye umuntfu, futsi kunemuzwa lolukhuni. Kodvwa uma ngingabatfola bonkhe babesendzaweni yinye, khona-ke ngingabakhulekelala. Manje, uma nito...Uma bantfu afuna kukhulekelwa, ba...Utsi, "Batokhulekelwa yini?" O, impela. Batokhulekelwa. Bangeniseni. INkhosi itsandza, sitobalapha, sikhulekele wonkhe umuntfu. Ngoba, ngiyeva kutsi lowomdvonso wesitsatfu ucala kunyaakata, niyabona, na—nangekhatsi kwami. Futsi ngi—ngi—ngifuna kukhulekelala wonkhe umuntfu.

³² Manje asivule, manje ekuseni eMbhaweni lomdzala lojwayelekile lapho ngitsite nje kutsatsa khona ngekujaka itolo ebusuku, ngetela sibili, futsi ngabhala imiBhalo leminye futsi lembalwa ihambisane nawo. Futsi ngitsatsa lokutsi kunecomeka. Ngeva lomunye umnaketfu, kanye, asebentisa lesihloko. Futsi ngacabanga...ngakubhala phansi. Ngacabanga, "Yebo-ke, ngikholwa kutsi ngitobhala loko phansi, ngoba kungahle kungene kusite."

Tikhatsi letinenginengi siyakwenta loko. Ngiyacaphela, labanengi benu lapha, benesihlephu seliphepha. Nemfundisi angasho lokutsite, bese-ke uyo—uyotitsela kulelophuzu, intfo letsite iyoshaya ngekhatsi kwakho. Bese kutsi-ke uma Moya loyiNgcwele enta loko, khona-ke uyocala kwakhela kulelophuzu impela khona lapho, umlayeto weNkhosi. Futsi loko kukahle. Ngicaphelile emihlanganweni, noma kuphi lapho uyakhona, bashumayeli nje nebantfu babhala phansi. Loko kukahle. Si—silapha, nguloko lesikutele lapha, kutama kusitana kulemigwaco.

³³ Futsi manje asivule eSambulweni, sahluko se 3, eminyakeni yelibandla, siphindza umnyaka welibandla. Kodvwa manje tsine si...tsine...lapho. Ya. Beningatsatsa lesihloko sinye, futsi ngaMoya loyiNgcwele, ngishumayele ngaKo iminyaka lelikhulu futsi ngingakukhiphi lokukuKo. Ngoba, kulesihloko sinye, njengatotonkhe letinye tihloko teliBhayibheli, konkhe Kuboshelwe ndzawonye.

Futsi ngifuna kutsatsa sifundvo sami, manje ekuseni, saloku: *Ngingancoba Kanjani Na?* Manje, ngikhetsi loku ngoba ngicabanga kutsi sikhatsi sekutsi asikafaneli sivumele loMoya wemvuselelo ufe. Sifanele sigcine sisemvuselelwani, njalonjalo sivuselelwani, nsuku tonkhe. Pawula watsi bekadzingeka "afe nsuku tonkhe, kute Khristu aphile." Futsi asikafaneli sivumele leyomvuselelo ife, ngekhatsi kwetfu.

Manje, Sambulo, sahluko se 3, futsi sicala ngelivesi lema 21, sifundza loku.

Loyo loncobako Ngitomnika kutsi ahiale nami esihlalwani sami sebukhosi, njengoba Nami...

ngancoba, futsi ngahlala naBabe wami esihlalweni sakhe sebukhosи.

Loyo lonendlebe, akeve loko lokushiwo nguMoya emabandleni.

³⁴ NikuCaphelile lo—lokulandzelana kwaloko na? Niyabona na? “Wahlala naMi ngekhatsi esihlalweni saMi sebukhosи,” hhayi “*ngetulu* kwesihlalo saMi sebukhosи.” “*Ngekhatsi* esihlalweni saMi sebukhosи,” loko kusekhatsi endzaweni yaKhe yekubusa. Niyabona na? Futsi lapho, njengoba—njengoba Khristu anguMbusi, uMbusi wesihlalo sebukhosи kulesikhatsi lesi, sendzawo yekubusa lephelele yaNkulunkulu, kanjalo neliBandla liyoba naYe, uMlobokati abe naYe, ekhatsi esihlalweni saKhe sebukhosи, kuyoyonkhe indzawo lebuswako. Niyabona na? Hhayi “*ngetulu* kwesihlalo saMi sebukhosи,” kodvwa “*ngekhatsi* esihlalweni saMi sebukhosи,” niyabona, lapho indzawo yaKhe lebuswako ifika khona. Sihlalo sebukhosи sisetkwendzawo lebuswako, ne—nendzawo lebuswako ifinyelela khashane nje njengoba imincele yayo wenta. Futsi loku kusuka eliPhakadzeni uye eliPhakadzeni. Kucabangeni nje!

³⁵ Manje, njengoba sisadadisha loku, inhoso yami yaloku nje akusiko kuta lapha kutsi—kutsi ngihlanganyele nani bantfu. Lokukutsi, ngiyatsandza kwenta loko. Kodvwa kube—kube benginelitfuba lekwenta loko, bengiyota ekhaya lakho, futsi ngikuchawule futsi ngicoce nawe, futsi ngihlale phansi, ngidle lidina nawe; futsi ngihlale phansi, ngaphansi kwesihlahla lesinemtfunti, futsi ngicoce futsi ngihlanganyele sikhashana.

Kodvwa uma sita lapha, silapha ngenhoso yinye lecondzene ngco. Lena yindlu yekucondziswa. Lesi sihlalo sebukhosи. Lesi sihlalo sebukhosи saNkulunkulu, nekwehlulela kuphuma kusuka endlini yaNkulunkulu. Futsi ngulapha la sibutsana khona, sibutsana ngelutsandvo, nalomunye nalomunye, njengoba kungemaKhristu kuphela langatsandza. Kodvwa, ekhatsi lapha, si—singaphansi kwe—kwe—kwe—kwebuholi baMoya loNgewe. Moya loNgewe usemkhatsini wetfu. Futsi silapha kutsi sibe...kutsatsa kulinganisa emkhatsini wetfu, kubona kutsi tindzawo tetfu letishodako tikuphi, liphutsa letfu, nekutsi singabamba kanjani lapho besifanele sibekhona, kuya ngale lapho besifanele sibekhona manje; lapho sikhona, nekutsi besifanele sibekhona. Futsi nguloko lesikudadishako. Bafundisi badadisha letotindzawo, bentela bantfu babo. Uma babona bantfu, kusilela, khona—ke bacala kuloko.

³⁶ Manje, masinyane, ngicabanga kutsi libandla mhlawumbe belifanele ngabe litsatsa nje sinyatselo lesincane lesitse kuphakama kulesikhatsi lesi. Angikahlosi kukwenta manje ekuseni, kwekuKhombisa letintfo leti. Kodvwa ngi—ngicabanga kutsi, kafishane, iNkhosi itsandza, ngaphambi kwekutsi sishumayele ngalawomaCilongo, ngifuna ku—ku—kuletsela

liBandla intfo letsite nje le—lenifanele niyati, ngiyakholwa, manje.

³⁷ Futsi manje sikhulumu ngaloku, “kuncoba.” Leligama *kuncoba*, kusobala, niyati kutsi lichaza kutsini. Utofanele ube nentfo letsite lotoyincoba. Nalomnyaka welibandla Moya loyiNgcwele lebekakhulumu ngawo lapha, eMnyakeni weliBandla laseLawodisiya, njengoba sisandza kuwucedza nje, lalidzinga kusolwa. ILawodisiya yadzingeka kutsi isolwe, ngenca yekwayo—kwehluka kwayo kuKhristu. Yayikhiphele Khristu ngaphandle, e—emnyakeni wabo. NaKhristu bekangephandle, etama kubuyela emuva ngekhatsi. Lolo lutsandvo. Emvakwekuba Sekakhishelwe ngephandle kwendlu yaKhe luCobo, beketama kubuya angene, futsi watsi, “Loyo lotovula umnyango, Ngitongena kuye.” Niyabona na? Libandla, cobo lwalo, kuko konkhe, laliMkhiphile.

³⁸ Kodvwa manje caphelani. Kubita kwakhe lapha akusiko nje ebandleni. “Loyo loncobako.” Niyabona na? Hhayi libandla; loko bekungaba ngilo, niyabona, umtimba lolibandla. Kodvwa ngu “loyo loncobako,” umuntfu ngamunye loyoncoba, manje.

³⁹ NeLawodisiya yase inako kuta kuyo. Manje siyabona, ke, sati kutsi lona nguMnyaka waseLawodisiya, futsi sati kutsi lomnyaka udzinga kusolwa lokuhlabako lokuvela kuNkulunkulu. Udzinga kusolwa lokuhlabako. Futsi uma bafundisi betfu basesontfweni atsamba kakhulu futsi acabanga kancane, njengamkhulu lotsite logugile kubatukulu bakhe, nomangabe yini labayentako iphelele. Futsi ba . . .

⁴⁰ Kushitiwo kakhulu, kutsi Nkulunkulu unguNkulunkulu lomuhle kabi, baze betama kwenta Nkulunkulu mkhulu lomkhulu nje locabanga kancane nje. Niyabona na? Kodvwa Akasuye. UnguBabe, naBabe wekulunga, wekucondzisa. Futsi lutsandvo njalo luyacondzisa. Niyabona na? Lutsandvo luyacondzisa. Akunandzaba kutsi lulimatana kabi kanjani, lusasolo lucondzisa.

Make sibili uyobacondzisa bantfwana bakhe. Babe sibili uyocondzisa. Niyabona na? Uma nje atsamba futsi acabanga kancane nje, futsi akuvumele . . .

⁴¹ Bengewela elugodvweni loludzala ngalololunye lusuku, entasi e—emgeletweni, noma loko lokubitwa ngesihoshi. Ngase ngigcumela etikwalolugodvo. Ngephandle, lwalubukeka luluhle, lwalubukeka njengesigodvo sesihlahla lesikhulu lesidzala ibhishi. Kodvwa ngesikhatsi ngigcumela kulo, o, kwahlephuka lucetu lolukhulu kuso. Lwalubole mbamba futsi lutsabile. Ngatsi, “Nguleyondlela emaKhristu labangiyo.” Bekafile esonweni nasetiphambekweni, sikhatsi lesidze, aze abangulatatabukako. Bangeke bakhone kusima, nhlobo. A—akati kutsi kuncoba kusho kutsini. Futsi ngacula kucabanga ngalesihloko ke, ngalesosikhatsi. Ncoba, gcina kuPhila

kuwe. Ngesikhatsi kuphuma kuphila, nguloko lokwaletsa lologodvo kulesosimo. Niyabona na? Futsi kwalenta laba lubi kunanini nini ngesikhatsi lulele emehlukanweni lapho emaniti bekakhona.

⁴² Futsi-ke, lapho, utsatsa umKhristu, lofanele kuba ngumKhristu, avumele kuPhila kwaNkulunkulu kuhambe kusuke kuye, nesentakalo, injabulo yekukhonta Khristu; futsi, ahlala ebandleni lapho lokunjalo kwenteka khona, ubola kabili ngekushesha, kunjalo, ahlala ngco ngaphansi.

⁴³ Ngako, uma sitama kulandzela uMlayeto weli-awa, noma lokungenani lencenyen Lena yeMlayeto, sifanele siphile njalonjalo ekuPhileni kwaKhristu. Niyabona na? Sizatfu, uma kungakwenti, ulala lapho, futsi wati loko, letintfo leti lofanele kutenta, futsi ungakwenti, liBhayibheli latsi, "Lowo lowati kwenta lokuhle, futsi angakwenti, kuye kusono." Khona-ke uba ngulotatabukako, lobolile, uma wehlukaniswe nekuPhila kwaNkulunkulu. Ngako, lwani ngako konkhe lokukuwe, kutsi uhlae ekuPhileni kwaKhristu, kutsi ube ngulotsela titselo.

⁴⁴ Sibona lomnyaka lesiphila kuwo. Ungulomunye weminyaka lomuhle kakhulu kunayoyonkhe leminye iminyaka. LoMnyaka weliBandla laseLawodisiya unguIomuhle kakhulu kunayoyonkhe leminye iminyaka yelibandla, ngoba kuphela kwesikhatsi nekuhlangana khaca kweliPhakadze. Futsi, ke, ngumnyaka wesono lomkhulu kunayoyonkhe. Sono lesinengi kulomnyaka kunaLesike sabakhona. Nemandla aSathane aamatima kakhulu tikhatsi letinengi kulwa nawo kunaloko bekangiko kunoma ngumuphi lomunye umnyaka. Niyabona na?

⁴⁵ Lapha, emuva lapho eminyakeni yaseKucaleni, umKhristu bekakhona, ngekutisho kwakhe kuba libandla...ngekuba wakaKhristu, bekangajutjwa inhloko nganca yako. Bekangabulawa, futsi akhishwe ebuhlungwini bakhe, futsi ahambe ayohlangana naNkulunkulu, ngekushesha.

Kodvwa manje sitsa sesingenile, ngeligama lelibandla, futsi sidukisa kakhulu. Lona ngumnyaka lomkhulu wekudukisa. Ngesikhatsi, Khristu washo njalo, "Lemimoya lemibili iyosondzelana kakhulu etinsukwini tekugcina uyodukisa nalabaKhetsiwe impela uma bekungenteka." Niyabona na? Niyabona na? Niyabona na? Khumbulani, Khristu wakhulumu ngebantfu labakhetsiwe ngelusuku lwekugcina. Niyabona na? "Kwakutodukisa nalabaKhetsiwe impela uma bekungenteka." Kusondzele kakhulu! Bantfu baphile kakhulu, bantfu bangaphila lehlantekile, imphilo lengewe; bangabi ngulabonako, tiphingi, netinatsi, nebacambi manga, bagembuli. Bangaphila ngetulu kwaloko, futsi babebasolo bangenaKo.

⁴⁶ Lona ngu—ngumnyaka wekuPhila, kuPhila lokucondzene nemuntfu kwaKhristu, lapho, u—umutsi weMtimba Wakhe, loko lokwakukuYe.

Kwekucala, ngaphansi kwekulungisiswa, umbhabhatiso wemanti. Kxesibili, ngaphansi kwekuTalwa lokusha, kwaWesley, kungcweliswa, lokaLantako. Nekwesitsatfu, ngaphansi kwembhabhatiso waMoya loyiNgcwele, kufaka lesositja lesingcwelisiwe ekusebenteni. Niyabona na? Leligama lelitsi *kungcwelisa* lichaza kutsi, liligama lesiGrikhi leliyinhlanganisela lelichaza kutsi “kuhlantiwe kwase kubekwa eceleni kwentelwa kusetjentiswa,” kubekwe eceleni kwentelwe kusetjentiswa. Manje Moya loNgcwele kufaka ekusetjentisweni. Niyabona na?

⁴⁷ Futsi sitocaphela, “Uma umoya longcolile sewuphumile kumunfu, uhamba tindzawo letomile.” Nguloko kanye libandla lelikwentile, emaBaptisti, emaMethodisti, labo labakholelwa ekungcwelisweni. “Ngako-ke,” Jesu watsi, “lomoya longcolile lowaphuma, uyabuya kulomtimba lolibandla futsi utfole indlu ihotjisiwe, ishanyelisisiwe yahloba, baphila letimsulwa, timphilo letihlantekile.” Kulungile. “Kodvwa-ke uma leyondlu ingakagcwaliswa, kwahlalwa kuyo, khonake liyangena nalamanye emadimoni lamabi lasikhombisa lamabi kunalebelingiko, nesigaba sekugcina salendzawo sibi ngalokuphindvwe kasikhombisa kunalebesingiko endzaweni yekucala.” Bebancono kuhlala bayiLuthela, kunalebebayaoba ngiko uma emukela loko kuKhanya futsi ehluleke kuKulandzela. Ayoba njalo ke nemaPhentekhostali, niyabona, niyati kutsi ngicondeze kutsini, indlu ihotjisiwe.

⁴⁸ Njengoba bengikhuluma nalomunye, ngalelelinye lilanga, watsi, “Bacophelela kakhulu, ngisho nalamanengi emacembu ebungcwеле, kutsi angabiti Moya loNgcwele, ‘Moya loNgcwele,’ ngoba atimbandzakanya nemaPhentekhostali uma enta loko. Atsi, ‘Moya loyiNgcwele,’ niyabona, abalekela kutsi, ‘Moya loNgcwele.’” Ngoba, iPhentekhostali, bantfu labejwayelekile, baWubita ngaloko liBhayibheli lelikushoko, “Moya loNgcwele.” Lokukutsi, Moya loyiNgcwele naMoya loNgcwele yintfo lefanako. Kodvwa acophelela kakhulu ngako. Awafuni kutimbandzakanya nalabobantfu labakhuluma ngetilimi; nalowo nguMoya loyiNgcwele, Cobo lwawo. Niyabona na?

Kwentekani ke? Ngesikhatsi sitsa, lesaphuma ngaphansi kwekungcweliswa, lesawashwa sakhishwa, sibuye emuva futsi satfola indlu ingakagcwaliswa ngamoya loyiNgcwele, manje simo selibandla sihlanganiswe ne—nenhlangano yemabandla, neMkhandlu wemaBandla eMhlaba. Futsi simo manje lesilihlanganisa nebuRoma bebuKhatolika nako konkhe kwalo, futsi manje kubi ngalokuphindvwe kasikhombisa kunangesikhatsi kuphuma ebuLutheleni. Ngulapho umuntfu akutsatsa khona.

⁴⁹ Futsi-ke bukani uMnyaka weliBandla laseLawodisiya emvakwekuba sewemukele Moya loNgcwele, nangelwati naMoya waNkulunkulu ngekhatsi kuWo, futsi-ke imisebenti

yaNkulunkulu kuperikwa ngiwo, futsi uWubita “ngemsebenti lomubi.” Manje-ke kutsiwani ngaloko na? Ngulapho laKhristu akhishelwa khona ngephandle kwelibandla laKhe luCobo. Niyabona na? Yena... Awutange uMkhombise ebandleni uze ufiye kuLawodisiya; futsi ngesikhatsi Efika eLawodisiya, Besakhishelwe ngephandle kwelibandla laKhe, etama kubuya angene.

⁵⁰ Manje, niyabona, kulungisawa akutange kuMfake. Kungewelisa kwavele kwahlanta indzawo yaKhe nje. Kodvwa ngesikhatsi uMbhabhatiso waMoya loyiNgeweule ufiye nje, uMfaka kubantfu. Futsi manje baMcoshile, uma Acala kutiveta Yena luCobo, kutsi Unguye itolo, namuhla, naphakadze. BaMcossa ngoba bahlelile, futsi u—uMoya weNkhosi awuvumelani nelihlelo labo. Niyacondza manje na? [Libandla litsi, “Amen.”—Umhl.] Kutsi, baMkhiphile. “Asifuni lutfo lesitolwenta ngekufundza kwakhe umcondvo. Ku—kukwadeveli. Kukubhula. Noma...” Niyabona na?

Abacondzi. “Emehlo, kepha ababoni; tindlebe, kepha abeva.” Niyabona na? Nkulunkulu uvula emehlo kuperikwa njengoba Atsandza. “Wenta luhkuni lowo Lamenta luhkuni, Lamfisako, futsi—futsi—futsi Uniketa kuPhila kulowo Lafisa kumniketa.” Nguloko lokwashiwo nguMbhalo.

⁵¹ Manje, sibona lama-awa lesikuwo, lesigaba lesi, futsi siyabona kutsi kwakuyini. NaMoya loNgeweule wekhuta umnyaka loMkhiphile. Kodvwa, kuko konkhe loko, nicaphelile yini, “Loyo loncobako”? [Libandla litsi, “Amen.”—Umhl.] Ngisho kulowo welive, umnyaka welibandla lomubi, “Yena loncobako.”

⁵² Sitfolo lapha kutsi Nkulunkulu bekahlala njalo anebancobi. Bekanebancobi kuwowonkhe umnyaka. Bekuhlala njalo, sonkhe sikhatsi, kuwowonkhe umnyaka lobewusemhlabeni, Nkulunkulu bekahlala njalo analotsite Langabeka tandla taKhe kuye, njengafakazi emhlabeni. Akakaze angabi naye fakazi, naloku nje ngaletinye tikhatsi abemunye nje. Kodvwa lotsite uyancoba, manje, njengalabangewe basendvulo.

⁵³ Futsi i—indvodza lekahle kakhulu, sifundziswa, sasitsi, emvakwe*TimPhawu LetiSikhombisa*, satsi, “Mnaketfu Branham, wena ungu—ngulofanekisako, umfanekisi, njalo,” satsi, “uyoke ulibeke kanjani emhlabeni leloBandla eluHlwitfweni ngaphandle kwesikhatsi sekuHlushwa, ekufanekiseni na?” Satsi...

Niyabona, uma kusifanekiso, kufanele kube ne... kufanele kube... Uma kuhkona lokungiko sibili, kufanele kubekhona lokusifanekiso saloko lokungiko sibili lokuvela kuko. Nayoyonkhe intfo lengiyishoko, lelo liciniso, inesifanekiso. Inesifanekiso. Unesitfunti. NeliBhayibheli latsi, “Tintfo letindzala tatisitfunti setintfo letinsha letitako.”

Satsi, “Kodvwa manje utsatse liThestamenti leliDzala njengesitfunti. Manje,” satsi, “utokwentani ngaleliBandla na?”

⁵⁴ Lendvodza ivela e... Indvodza lenkhulu, thishela lomkhulu longumngani wami sibili, indvodza lelunge kakhulu, futsi ungumnaketfu lotsandzekako. Ngi—ngingeke ngilokotse kutsi ngisho livi linye ngekuphikisana nemnaketfu. Beningeke, nomakanjani. Nje—njenge... NjengemKhristu, beningeke ngisho lutfo kuphikisana naye. A—a—akavumelani nami kuleyondzaba yinye, kodvwa u—ungumnaketfu loligugu. Sidla ndzawonye. Futsi, o, ungumfo lolicathazi nje. Ngitsatsa liphephabhuku lakhe, ngifundze tindzatjana takhe. Futsi ubhala letinye tetami, nakanjalonjalo. Futsi ngitsetse tihloko letinengi kuleto lengi—ngitifundzile—ngitifundze etindzatjaneni takhe, ngimuve atsi. Uyindvodza lenkhulu, kodvwa a—angeke avumelane nami. Ngiyakutsakasela loko, kwebucotfo bakhe. Naloku nje anga, angulomunye walaba labancontjwa kalula, nje utofanele avumelane nako konkhe lokushoko. Unenkholelo yakhe nje lucobo, futsi uyakumela. Ngiyakutsakasela loko. Futsi uyindvodza lelunge kakhulu. O, a—angisuye umfundisi noma sifundziswa lesikhulu, nhlobo, kodvwa lendvodza ingiko kokubili thishela nesifundziswa lesikhulu.

⁵⁵ Kodvwa a—angeke ngavumelana naye, ngoba angikuboni. Kodvwa, akukacondzani nensindziso, kodvwa kucondzene nekuBuya kweNkhosi. Uyabona kutsi liBandla litofanele lendlule esikhatsini sekuHlupheka, kwentela kuhlantwa. Ngitsi iNgati yaJesu Khristu yahlanta liBandla. Niyabona na? Alidzingi kwasa...

Ngiyakholwa kutsi libandla lindlula esikhatsini sekuHlupheka, libandla lenhlangano, kodvwa uMlobokati akendluli. Bewungakhetsa wesifazane lobewuyodzingeka umhlante ngaphambi kwekutsi umshade na? Niyabona na? UMLobokati waKhristu ukhetsiwe, futsi Ukhetsiwe. Futsi UnguMlobokati waNkulunkulu, uMlobokati waJesu Khristu.

⁵⁶ Futsi manje watsi, “Utokufanekisa kanjani loko, uma uMlobokati achubeka, enyuке ngaphambi kwekutsi Ahambé endlule esikhatsini sekuHlupheka na?” Watsi, “NgingeMbhalo lokukhombisako kutsi liBandla lisesikhatsini sekuHlupheka.”

Ngatsi, “Nje fundza luPhawu lweSitfupha, nguloko kuphela, lilapho ngco ngaphansi kwesikhatsi sekuHlupheka. Kodvwa tfola, ngaphambi kwaloko nje, uMlobokati kudala ahambile. Niyabona na? UseNkhatimulweni ngalesosikhatsi. Akanawuhlantwa.” Niyabona na?

“Loyo lokholwa ngiMi unekuPhila lokungunaphakadze, futsi angeke aye ekulahlwesi noma ekweHlulelwesi, kodvwa wendlulile ekufeni wangena ekuPhileni.” Khristu waniketa lesetsembiso kutsi asiyukuma ngisho nasekwahlulewesi. Ngako Watsatsa indzawo yami ngesihle, sengite ngikhululeke

ngekwelucobo. Uma ngicolelwé, ngicolelwé. Angangikhípha kanjani esitolo lobambisa kuso ngemphahla, nginesigcebhezana lesicacile, uma... Angaba kanjani nguMhlengi wami, futsi angikhíphe esitolo lobambisa kuso ngemphahla, nalotsenga atsengisele labanye abe asolo atsi ngiwakhe na? Nginesigcebhezana lesibhaliwe, amen, niyabona, sabhalwa ngeNgati yaJesu Khristu. Niyabona na? Manje, kuloko, naku lapha sita khona.

Watsi, “Manje, ungtfola kanjani, wehlukanise lowoMlobokati lokhetsiwe lokhulumá ngaye manje, utokufaka kanjani Loko ngaphansi kwesifanekiso na?”

⁵⁷ Ngatsi, “Kuhle kakhulu.” Ngatsi, “Naku ke. Manje, kuMatewu, sahluko sema 27 nelivesi lema 51.” Uma si...

Ake ngikufundze nje, futsi manje-ke si—sinako kahle. Ngako-ke siyatfola kutsi ngabe kwakufanekisa noma cha, noma ngabe nguMlobokati lokhetsiwe yini. Matewu, sahluko sema 27 ne—nelivesi lema 51. Kulungile. Sifundza loku, ekubetselweni kweNkhosi yetfu.

Futsi, buka, iveryili yelithempeli yadzabuka emkhatsini kusuka etulu kuyophuma phansi;...

⁵⁸ Manje, lowo kwakungumtsetfo. Umtsetfo waphelela khona lapho. Ngoba, leveyili yayivimbela libandla etindzabeni letingeweles taNkulunkulu. Ngumphristi logcotjiwe kuphela lobekangena ngekhatsi lapho, futsi, loko, kanye ngemnyaka. Niyakhumbula na? [Libandla litsi, “Amen.”—Umhl.] Manje, Nkulunkulu, ngetandla taKhe luCobo, caphelani, “kusukela etulu kuze kufike phansi,” hhayi kusukela phansi kuze kufike etulu. Kungemafidi langemashuni lamane kuphakama. Caphelani, hhayi kusukela phansi kuze kufike etulu, kodvwa “kusukela etulu kuze kufike phansi,” kwakukhombisa kutsi kwentiwa nguNkulunkulu. Kwadzabula iveryili kabili, futsi manje-ke, nomangubani, lotsandzako, angeta futsi ahlanganyele ebungcweleni baKhe. Niyabona na? Kulungile.

...kusukela etulu kuyephansi; nemhlaba wanyakata, nemadvwala ahlephuka;

Nemathuna avuleka; nemitimba leminengi yalabangcwele lebebalele bavuka,

Futsi baphuma emathuneni emvakwekuvuka kwakhe,... bangena edolobheni lelingcwele, futsi babonakala kulabanengi

⁵⁹ Nango lowo loKhetsiwe, lowo Mlobokati. Akusuye wonkhe welibandla lemaJuda lowaphuma ngalesosikhatsi. Onkhe enta umhlatjelo lofanako. Onkhe laliphansi kwengati lecitsekile yeliwundlu. Kodvwa kwakukhona liCembu lelikhetsiwe; naleloCembu lelikhetsiwe, kwatsi nje kungafika lesentakalo, lebekakholelwa sibili kuLo ngebucotfo. Manje

ngita kuleligama lelitsi *kuncoba*. Manje kubambeni loko. Lawa lebekancobe sibili, ngebucotfo enta umnikelo lofanako nalolowentiwa ngiwo onkhe lalamanye, kodvwa, ngebucotfo, ancoba tintfo telive. Ngesikhatsi batolawuelwa ngalokufanele bona, bebasepharadesi kwaze kwaba ngaleypla... ngalesosikhatsi. Ngesikhatsi lesosikhatsi sentiwa, bebancobile futsi bebaphumulile, balele; niyabona, “imitimba leminengi yalabo lebebalele elutfulini,” niyabona, balele.

⁶⁰ Manje, kube besinesikhatsi, besingabuyela kuDanyela, ngesikhatsi, Danyela, lowo lokhetsiwe lobekancibile. Wase Utsi, “Vala leNcwadzi, Danyela, ngoba wena uyophumula esabelweni sakho. Kodvwa ngesikhatsi iNkhosana ifika, leyomela bantfu, wena uyokuma kulesosabelo.” Nasi. Danyela, lomprofethi waNkulunkulu, wabona sikhatsi sekugcina sita. Wase utsi, “Danyela, uyokuma esabelweni sakho ngalolosuku.” Futsi nangu bekalapha, uyaphuma; akusiye wonkhe Israyeli, kodvwa luhlobo lweMlobokati waka-Israyeli. Manje, wonkhe lomunye Israyeli akaphumi kuze kube kuvuka kwebantfu bonkhe.

⁶¹ Futsi manje, ekuBuyeni kweNkhosi Jesu, labo labakutsanza mbamba kuBuya kwaKhe, lophilela kona; lapho Abonakala esibhakabhakeni, liBandla lelifele kuKhristu liyovuka, nalabo bayoguculwa ngesikhashanyana. Lalabanye babo abayukwati lutfo ngako. Khumbulani, “Babonakala kulabo labasedolobheni.” Niyabona na? Lu—lu—luHlwitfo luyoba kanjalo. Siyobonana, futsi siyobabona. Lalabasele belive bangeke bababone. Liyohlwitfa njengekuhamba lokuyimfihlo. Silindzele lesosikhatsi!

Bese-ke babuya emuva emhlabeni bentele lesosikhatsi semiNyaka leyinkhulgwane lejabulisako, ngalesosikhatsi iminyaka leyinkhulgwane... “Labo labanye balabafile abaphilanga iminyaka leyinkhulgwane.”

⁶² Bese-ke kuta kuvuka kwebantfu bonkhe, lapho, wonkhe Israyeli. . . Kanye futsi, bukani lapho, baphostoli labalishumi nakubili, bokhokho labalishumi nakubili, bonkhe bamelelw. Futsi asikafiki nhlobo kuloko kwamanje. Mhlawumbe, iNkhosi itsanza, sitofika kuko eThestamentini, kutsi tikanjani letotindvonga tejasiphi, nematje lalishumi nakubili, emasango lalishumi nakubili, tisekelo letilishumi nakubili, konkhe kwaloko kumelelw. Naba basetihhalweni tebukhositi letilishumi nakubili, titfunywa letitingelosi tangaletotinsuku, kukhipha sigwebo etikwalabo labawencaba umlayeto wabo. Amen. Nako kufika lelo-awa lelikhulu. Ya.

⁶³ Lusuku lolunjephoto, sikhatsi lesinje lesiphila kuso! Kutsi sifanele sihhole, Bandla. Manje sikhulumngaletintfo leti tita, letitokuta. Manje, namuhla, asibuyele emuva lapha futsi sibuke, sitihhole futsi sibone kutsi sisekuKholtweni ngco.

⁶⁴ Manje asikhulume ngebancobi labambalwa kwemizuzu lembalwa, ngetinsuku tesikhatsi saNowa, lowafanekiswa nguJesu Khristu, lokufana nanamuyla.

Ngifanele ngibe nemizuzu lelishumi. Manje ngitoba nehhafu yeli-awa. Sengicala nje, likhasi lekucala. Ngitokweca lambalwa awo, uma ngingakhona. Futsi ngitfole ini . . .

⁶⁵ Ngesikhatsi saNowa, sifanekiso sanamuyla: Jesu watsatsisela kuso, futsi watsi, "Njengoba kwakunjalo ngesikhatsini saNowa, kuyoba njalo ekuBuyeni kweNdvodzana yemuntfu. Esikhatsini saNowa, kuyoba njalo ekuBuyeni kweNdvodzana yemuntfu." Caphelani, bonkhe bebangulelove langaphambi kwekutsi umhlaba ubhubhe, mhlawumbe ngetigidzi tebantfu, kwakunebancobi labasiphohlongo. Bantfu labasiphohlongo bayancoba, lowo kwakunguwelucobo, bancobi belucobo. Kwakukhona emadvodzana aNowa lamatsatfu nemakhosikati awo, naNowa nemkakhe. Labasiphohlongo bayancoba, labangena emkhunjini ngesikhatsi lesifanele. Bakwenta kanjani na? Balalela Livi laNkulunkulu. Abatfolwanga ngephandle kwemnyango. Batfolwa ngekhatsi kwemnyango.

⁶⁶ O, bangani bami labatsandzekako, ningavumeli lowomnyango uvaleke. Jesu watsi, "Njengoba kwakunjalo ngalolosuku, kuyobanjalo ekuBuyeni kweNdvodzana yemuntfu." (Ngiyabonga, mnaketfu.) "Kuyobanjalo ekuBuyeni kweNdvodzana yemuntfu." Manje, kuhona lotsite lotofolwa angephandle kwalowomnyango.

Labanengi babo kungahle kutsi bebanetinhloso letinhle, futsi, "Ngalelinye lilanga, uma letintfo letinjena tenteka, siyongena neMnaketfu Nowa, ngoba unguumfo lokahle." Kodvwa, niyabona, wabamba nje labasiphohlongo ngekhatsi.

⁶⁷ Manje, cabangani kamatima manje. Uma ulele ngalapho, utfola kutatabuka, ngena. Phutfuma, shesha, ngoba umnyango ungahle uvalwe noma nini.

⁶⁸ Futsi bekuhlala njalo kunemkhumbi emnotfweni waNkulunkulu. Kwakunemkhumbi etinsukwini taNowa, kusindziswa kwebantu baKhe. Kwakunemphongolo etinsukwini temtsetfo, umphongolo webufakazi. Etinsukwini temtsetfo, balandzela umphongolo.

Futsi kunesimiselo sesikhatsi sesitsatfu manje; njengesikhatsi saNowa, sikhatsi saLoti, futsi manje lesikhatsi lesi. Kunemkhumbi manje. Futsi lowomkhumbi awusilo lihlelo, kanjalo awusiyo imisebenti lemihle loyentako. Ku "ngaMoya munye," baseRoma 8:1, "sonkhe sibhabhatiselwe eMtimbeni munye, endzaweni lebuswako yalowoMbuso, umbhabhatiso waMoya munye." Akunandzaba kutsi umuhle kanjani, kutsi umubi kanjani, noma yini, ukulowoMbuso nge—ngembhabhatiso waMoya loyiNgewe. Niyabona

na? Nguleyondlela kuperhela loncoba ngayo. Ngibobonkhe longaphansi kweNgati lecitsiwe lababancobi, ngoba ungeke uncobe, wena ngekwakho. NguYe lokuncobelako. Wena uphumulile.

⁶⁹ “Ngitokwati kanjani-ke, Mnaketfu Branham, kutsi ngisekhatsi laPho na?” Bukisisisa kutsi hlobo luni lwemphilo loluphilako. Calata nje. Buka nje uma kuphilwe kuwe, ngalokutentekelako. Noma, ufanele yini kutama futsi udvonse, uyabona, khona-ke wenta kona. Kodvwa ungetami kukwenta. Uke watama na? Ya. Ungetami.

⁷⁰ Njengekufaka nje umkhono wentfwana lomncane embobeni yemkhono, niyabona. Usetulu nje, phansi, ngale, nayoyonkhe lenye intfo. Niyabona na? Angeke akwente. “Gcoka libhantji lakho, s’thandwa.” Angeke akwente. Umkhono lomncane usetulu, phansi, ngale. Kubita sandla sakho lesingatataleti.

O, ngijabule kanjani, ngingavele nje nginikele sandla sami kuBabe, ngitsi, “Nkhosi Jesu, angeke ngingene ngekhatsi Lapho. Ngisite. Ngigcokise libhantji.” Ngiyayekela kutama. Vumela Yena nje akwente. Niyabona na?

⁷¹ Uma lomntfwana lomncane achubeka nekutama, “O, ngingakwenta. Ngingakwenta.” Futsi nje andzawo tonkhe. Angeke akwente.

Kanjalo nawe ungeke, kanjalo nami ngingeke, kodywa nje uma sitobamba sithule futsi siMvumele akwente. Nikela kuYe nje, “Lapha, Nkhosi, nangu mine. Ngente nje—nje ngingabi lutfo. Ngi—ngiyanikela. Beka sandla sami endzaweni lekahle.” Loko kuncoba. Loko kuncoba.

⁷² Intfo lefanele uyincobe nguwe lucobo, umcondvo wakho, intfo yakho, futsi utinikele wena kuYe. Uyakuncobela. Uyayati indlela; asiyati.

⁷³ Kodvwa ngesikhatsi saNowa kwakunebancobi labasiphohlongo, futsi nguloko lokwangena. Batfolakala bangekhatsi.

Manje bukani, bangani. Ngikholwa bayakutheyipha loku. Futsi uma kukumabonakudze, noma hhayi mabon-... ngyiacolisa, itheyiphu. Nomayini loyentako, lolalele manje, noma loyolalela emvakwaloku, li-awa selendlule kakhulu, futsi unayo inhoso lenhle, kodvwa tfolakala ungekhatsi. Manje, ungasokoli. “Akuyi ngalotsandzako, noma loyo logijimako, kodvwa Nkulunkulu.” Vumela Nkulunkulu nje. Tinikele kuYe nje bese uyachubeka uyembili, nalokuphelele, kukholwa lokwenelisekile, kutsi, “Loko Nkulunkulu lakwetsembisile Unemandla ekukwenta.” Hhayi kujoyina lihlelo linye, lelinye lihlelo, ugijima *loku*, *lokwa*, noma *lolokunye*, utama *loku*. Tinikele kuNkulunkulu nje, bese uhamba naYe, ngekuthula, ubindzile, ungaphatamiseki. Chubeka nje uhambe naYe. Kunjalo.

⁷⁴ Nguloko lengakutjela umnaketfu lobekasandza ku-kulahlekelwa kugula emtimbeni. Niyabona na? “Tinikele nje kuYe. Ulapha, Loyo Lokwatile lokwentile, nalokubangele bunguwe futsi wente ngalendlela, nako konkhe loko. Wati konkhe ngawe, futsi manje Usandza kukutjela nje emuva kutsi yentani. Manje,” ngatsi, “intfo nje kuphela lofanele uyente kuhamba nje uyente. Loko kukutsi, khohlwa konkhe ngalosekwendlulile, hamba, uphilela sikhatsi lesitako, eNkhatimulweni naseBukhoneni baNkulunkulu.”

Bancobi labasiphohlongo.

⁷⁵ Ngetinsuku tangesikhatsi saDanyela, kwakunebancobi labane lebebakwati kumela kuvivinywa kwemlilo nelibhubesi.

Manje, silindzeleke kutsi sivivinywe. Leso sifundvo lesihle se—semnaketfu emuva lapho, naye. “Loyo lota kuNkulunkulu umele avivinywe kucala.” Avivinywe (ini?) ngeLivi. Leso sivivinyo saNkulunkulu. Niyakukholwa na? [Libandla litsi, “Amen.”—uMhl.] “Loyo lota kuNkulunkulu umele avivinywe.” Loko kuphela kukhombisa umntfwana weliciniso, khonake, niyabona, vivinywa. Futsi uma kuvivinywa kufika... Ungeke wancoba ngaphandle uma kukhona kuvivinywa lonikwa kona. Futsi uma kuniketwa sivivinyo, sisekubona kutsi ungancoba yini noma cha. NaJesu watsi, “Kuloyo loncobako,” kuvivinywa. Kuvivinywa kuyintfo lenkhulu kunayoyonkhe leyake yenteka kuwe. Ngikholwa kutsi kubhaliwe eMbhalweni, Phetro washo, kutsi, “Tivivinyo tetfu tibita kakhlulu kitsi kuneligolide leliligugu.” Sikhatsi sekuvivinywa. Kubufakazi lobuhle lobubodvwa kitsi kutsi Nkulunkulu ukanye natsi, uma sivivinywa, ngoba bonkhe bantfwana baNkulunkulu bayavivinywa futsi bahlolwe.

⁷⁶ NaDanyela, indvodza, umprofethi; Shadraki; Meshaki; na-Abednego; Danyela bekangumprefethi; naleyo kwakuyisayizi yeliBandla ngalolosuku, ngicondze kutsi, uMlobokati. Kunetincumbi telibandla, cishe tigidzi letimbili tawo letehlela lapho. Kodvwa kwakukhona... Lowo kwakuyisayizi yemncobi. Nalabo bancobi wafakwa ekuvivinyweni. Futsi wonkhe umncobi utofanele afakwe ekuvivinyweni. Futsi ngesikhatsi batsi, “Hocisani loko lokushiwo Livi, noma nakungenjalo niphonswe esithandweni semlilo,” bencaba nomayini ngaphandle kweLivi.

⁷⁷ Futsi ngesikhatsi Danyela anikwa sivivinyo, kutsi bekafanale akuhocise lokwakushiwo Livi, kutsi kwakufanele banchike babheke ngasethempelini, njengoba Solomoni wakhuleka, futsi Bekayobakhulula kutotonkhe tintfo. Nkulunkulu bekayokuva aseZulwini kutsi bebangabeka... babuke ngasethempelini futsi bakhuleke. Futsi watsi, “Uma nomangumuphi umuntfu lokhuleka emkhatsini walesibalo saletinsuku leti... Futsi tsine singemaMedo-Peresiya, lesingeke sigucule noma sichibe imitsetfo yetfu. Lowomuntfu uyophonswa emigodzini yemabhubesi.”

⁷⁸ Bamcipha. Ngikholwa kutsi lowomprofethi bekakwati loko. Kodvwa bamcipha. Wahamba ngekutitfoba. Uma sekufika sikhatsi sakhe sekutsi akhuleke... Ngesikhatsi, bekti, endzaweni yasekhaya eJerusalem, kwakukhona umhlatjelo lovutsako e-altari. Danyela bekangatesabi letotinhlol. Waphakamisa emakhethini, washo avula tivalo temafasitelo, wase uguca phansi ngemadvolo akhe, washo aphakamisela tandla takhe kuNkulunkulu wase uyakhuleka. Leni na? Aphila noma afa, bekanekuncoba. Futsi, ngako-ke, kuncoba lokunengi kakhulu aze emabhubesi angakhoni kukudla. U—uyancoba.

⁷⁹ I... Shadraki, Meshaki, Abednego bekanekuncoba lokunengi kakhulu laze libhubesi... waze umlilo wangakhoni kubashisa. Niyati, kuncoba kuyintfo lelukhuni kuyishisa, noma uyidle uyicedze, noma yini lenye. Niyabona na? Ngako, bona, bebanako.

⁸⁰ Ngingahle ngisho lomunye umlingiswa. Ngetinsuku taLoti, Jesu wabhekisa kuko, kwabanalabatsatfu kuphela labancoba, Loti nemadvodzakati akhe lamabili. Hhayi ngisho nemkakhe; akancobanga. Wa—wacala waphuma. Usifanekiso. Ngifisa kwangatsi ngabe besinesikhatsi. Imizuzu lengemashumi lamatsatfu yami seyiphelile khona manje. Niyabona na? Niyabona na? Yena, wentekahle, washiya.

⁸¹ Manje ngifanele ngininike loku, umzuzwana nje. Labanengi benu ushiyile, naye. Labanengi benu batishiyile letintfo leti, kutsi utsatse sincumo sakho sekuma, emvakwekuba sewuKuhlolisisile eMbhaweni futsi watfola kutsi Kuliciniso. Ukubonile kucinisekisa kwaNkulunkulu Somandla; hhayi ngalokutsite, loko umuntfu *latsi* kwakusicinisekiso. Loko liBhayibheli lelatsti kuyoba ngiko, futsi naKu kuyakwenta. NiKubonile kutsi kwakuliCiniso. Ngako, nicalile, kushiya iSodoma, nishiye lihlelo, nishiye tintfo letinibophela esivumeni kholo; nekutsi nilandzele Khristu, ngaMoya loyiNgcwele aticinisekisa Yena lucobo ngeLivi laNkulunkulu lelibhaliwe. Ngalamany'emagama, natsatsa liBhayibheli esikhundleni sesivumokholo. Nicalile, kulandzela.

⁸² Yebo-ke, umkaLoti wenta intfo lefanako, niyati. Wacala, kutsi ahambe naLoti, alandzele umyen'i wakhe, bantfwabakhe, labatsandzekako bakhe, kodvwa kwaKungekho enhlitiywensi yakhe. Bekasolo atsanza live. Ngako kunekwenteka kutsi ungacala, kepha live libelisasolo likuwe. Uyabona na? Akatange ancobe. Futsi ngisho naloku nje bekakahle emgcwacweni, ekugcineni kwamketula. Wadzingeka atsatse loko kunye lokukhulu, lokudze, kubuka kwekugcina. Nako lapho abanjwa khona. Ningabuki ngisho nasemuva. Ningabi natifiso. Chubekani nihamba. Bekani imicondvo yenu eKhalvari futsi chubekani niye ngakuKhristu. Niyabona na?

⁸³ Wacala kuphuma, njengemncobi, kodvwa akazange ancobe. O, washiya lihlelo. Wakwenta. Waphuma eSodoma, naLoti.

Kodvwa bekafuna kubuyela emuva futsi ahhule tinwele takhe. Niyati kutsi ngicondze kutsini. Niyabona na? Wadzingeka abuke emuva. Akakhonanga nje kukumela ku—kuvivinywa. Wadzingeka abuke emuva futsi, kubona kutsi lalabanye bebentani. “O, niyati, nganginalabanye bangani bami labahle entasi lapho, empeleni. Futsi, empeleni, lona kungahle nje kube ngulomncane—lomncane umnyakato. Angati noma bewungaba ngulocinisisle noma cha. Ngi—nginalelivi lendvodza kuphela ngako, naloku nje ingumyeni wami. Kodvwa noko...” Umelusi wakho unguomyeni wakho, ngekukhuluma kwakamoya, niyabona. “Manje, bekungaba ngulokucinisisle noma cha, angati. Mhlawumbe yena, sambulo sakhe besingasilo liciniso.”

Ngako-ke, uma ungakeneliseki ngalokuphelele, awati ngalokuphelele kutsi KuLivi laNkulunkulu, ngako ke—ngako ke ungeke wahamba. Uyabona na? Ufanele utinikele mbamba. Ufanele wati. Hhayi kutsi nje utsi, “Yebo-ke, ngibona labanye bakwenta. Ngibona sibonakaliso.”

⁸⁴ Niyati, Israyeli wacala kuphuma, bengingasho intfo lefanako futsi ngiyingenise ekhatsi lapha. Bacala kuphuma, tigidzi letimbili leticinile, futsi kwaphetsa ngemadvodza lamabili. Kunjalo. Babona imisebenti yaNkulunkulu. Babona kubonakaliswa kwaMoya. Babona lemikhulu, imimangaliso lenemandla yentiwa lapho eGibhithe, nayoyonkhe intfo, futsi bacala kuphuma. Kodvwa kwa—kwakungekho enhlitiywemi yabo. Abancobanga. Bayaphuma nje. NaJesu watsi, “Futsi babhubha ehlane,” futsi bafe Phakadze. “Wonkhe wabo ufile,” loko kuchaza kwehlukana Phakadze. Wonkhe kanyekanye wabolela ehlane.

⁸⁵ Kodvwa kwakunemadvodza lamabili, Joshuwa naKhalebi. Futsi ngesikhatsi kufika kulemancamu, imicabo wawumkhulu kakhulu bate babukeka bafana netintsetse eceleni kwabo. Joshuwa wamemeta naKhalebi, futsi batsi, “Sinemandla ekukwenta.” Leni na? “Nkulunkulu washo njalo.” Futsi bebabancobi. Bayancoba. Bebangibo lobekanenhlanhla, kuyo yonkhe leyonthlangano lenkhulu yebantfu, kutsatsa yena sibili, uMlobokati lokhetsiwe angene eveni leletsenjisiwe. Joshuwa naKhalebi emigceni lengaphambili ngephandle lapho, njengetindvuna letimbili, tibahola tibehlisela ngco emfuleni, futsi tawela umfula, tawelela eveni leletsenjisiwe. Leni na? Talikhholwa Livi, akunandzaba kutsi ini.

⁸⁶ Ngako-ke, Dathani wavuka. Dathani, njalo, wavuka, futsi kanjalo naKhora, futsi betama kutsi batsi, “Lomuntfu utama kutenta abengetulu kwetfu sonkhe; ungcwele kakhulu kunabo bonkhe.” Emvakwekuba Nkulunkulu sekamcinisekisile umuntfu. Batsi, “Sitocala nje licembu lebantfu futsi sitokwenta loku, lokwa, noma lolokunye, futsi sitokwenta tinhlangano tetfu, sitokwenta...” Futsi bafa futsi babhubha.

Kodvwa lawomadvodza bekanalelo Livi leNkhosi, futsi ahlala naLo, futsi awelela ngesheya.

“Akusuye localako; ngulocedzako.” Labanengi bacala kuncintisana, kodvwa Munye lokucedzako. Kuyoba nalamanengi emabandla lacalako, lamanengi emacembu ebantfu. Kuyoba neli Cembu linye lelicedzako. Lowo bancobi.

⁸⁷ Lusuku lwa Loti, yebo, wadzingeka abe naloko lokukhulu kunye, lokudze kubuka emuva. “O, ngiyamshiya *Sbani-bani* entasi lapho, letotikhatsi letimnandzi lebesivame kuba nato. Angiyuze ngisikhohlwe.” Futsi wabanjwa, wavalelwaa ngephandle, njengoba kwenteka emihleni yaNowa. Wavalelwaa ngephandle, ngaphandle kwesihawu, futsi wabhubha. Nesi—sigadla sisemile lapho namuhla. Batsi (angati) ungacetula lucetu kuso futsi siyophindze sikhule, insika yeluswayi. Uke wasibona lesositfombe sase *Sodoma NeGomora*, uyoyibona insika yeluswayi yasekucaleni leyema lapho.

⁸⁸ Manje, kunemehluko emkhatsini wensika yeluswayi neNsika yeMlilo. Niyabona na? Ufanele ujikele endleleni yinxe. Ya.

⁸⁹ Caphelani, ngesikhatsi saJohane umBhabhatisi. Ngesikhatsi saJohane umBhabhatisi, kwatfolakala labasitfupha lebebancobile. Yonkhe iminyaka, bebanabo bancobi. Ngesikhatsi saJohane bebanalabasitfupha, lowo kwakungu Josefa naMariya, Zakhariya na-Elizabethi, Simeyoni na-Ann. Wesilisa newesifazane, wesilisa newesifazane, wesilisa newesifazane; niyabona, sifanekiso saKhristu, liBandla; Khristu, liBandla; Khristu, liBandla; Khristu, liBandla. Niyabona na? Niyabona na?

⁹⁰ Caphelani, kucala kumuntfu wemvelo. No... Mo... Josefa, umuntfu wemvelo, Josefa, bekayini na? Umbati. Bese ke kuba ngumphristi, bekayini, niyabona na? Umfundisi endlini yeNkhosi; Zakhariya. Futsi kusukela kuloko, kuya kuSimeyoni, umprofethi nemprofethikazi. Niyabona na?...?... Kulungisiswa, kungcweliswa, umbhabhatiso Moya loNgewe. Amen. Anikuboni na? [Libandla litsi, “Amen.”—Umhl.] Ngalokuphelele. Kuncoba labasitfupha. Bonkhe lalabanye babo, banikela ngemhlatjelo wabo nayo yonkhe intfo, kodvwa laba bebangulabaKhetsiwe. Bayancoba.

⁹¹ Caphelani umnyaka welibandla ngamunye. Kuncoba lokufanako ngesikhatsi bona, indvodzana ngayinye emnyakeni welibandla ngamunye, incoba kulingwa kwalowomnyaka. NginemiBhalo lapha. Angicabangi kutsi impela sinesikhatsi sekukwenta, kodvwa siyawati ngamunye waleyominyaka yelibandla. Kufana namanje. Kufana nalomunye nje lo...

⁹² Niyabona, njengoba ngishito ekucaleni, utalwa wehluliwe. Naloko kutalwa akuyuze kwakuletsa e—ekuPhileni, ngoba utalwa wehluliwe. Futsi useveni lelehuliwe, emkhatsini

webantfu labehluliwe, emkhatsini wetivumokholo letehluliwe, emahlelo lehluliwe. Ufanele ute ekuncobeni ngalenyen idlela.

⁹³ Kufana nemnduze nje. Ukuphi... Umnduze, ngiyacabanga, unguenyenye yetimbali letinhle kwendlula tonkhe lekhona. Ngicabanga kutsi cishe impela akukho lutfo loluhle njengemnduze lomkhulukati wasesitiben, ubitwa ngemnduze wasemantini. Unjani umsebe wawo! Manje, uvelaphi na? Uyimbewu lencane, phansi ekugcineni kwalesineludzaka, sitiba lesinenkhucunkhucu. Naleyombewu lencane, noko, yonkhe imisebe leyoke ikhanye kuwo, ikuwo ngalesosikhatsi, ngesikhatsi kulolodzaka. Kodvwa utofanele ulwe, nsuku tonkhe, wati kutsi kunalokutsite. Kumnyama. Kungcola kwavo. Kuba nenkhucunkhucu kwavo. Kumincika kwavo. Kulolotubhutubhu lophila kuko, noko ufica idlela yawo wendlula eludzakeni, inkhucunkhucu, nemanti, netindzawo letinemanti lemile, uze uvete inhloko yawo ngetulu, ekukhanyeni, futsi uvete lobekufihliwe ngasosonkhe sikhatsi.

⁹⁴ Ngicabanga kutsi lowo ngumncobi, kutsi, wake waba sesonweni, wake wenta tintfo lettingakalungi, ungakhatsateki ngako manje. Wake wenta tintfo leyayingakalungi, ngalesosikhatsi, manje ubukelani emuva esitiben futsi na? Niyabona na? Bukani, une...

⁹⁵ Nkulunkulu, ngecumisela ngaphambili kwaKhe, niyabona, uletse lembewu ekuphileni, futsi tifuka yona, niyabona, ita ekukhanyeni. Futsi manje, etikwako konkhe loko, uncobile. Niyabona na? Awutivet i phansi *lapho*. Uyakhuphuka, kutsi utivete.

Kanjalo nawe awutivetanga, esonweni sakho—sakho, nekuphinga, nayo yonkhe intfo lowawuphila kuyo. Awuvetanga lutfo. Kodvwa kwakukhona imbewu ekhatsi lapho, futsi yatfola litfuba lekutifucela ekuKhanyeni. Futsi manje sewuseBukhoneni baJesu Khristu, nekuKhanya kweNdvodzana. Kwaveta loko impela lowawungiko ekucaleni. Niyabona kutsi ngichaza kutsini na? Wabona kuKhanya. Wachakata. Weneka inhlitiyo yakho wayivula, futsi manje sewungumnduze.

⁹⁶ Niyayikhumbula inshumayelo yami ngemnduze na? UMfundisi Mnduze, kutsi ushikashikeka kanjani. "Futsi, noko, awuphotsi yini. Futsi noko, Solomoni, ebukhatikhatini bakhe bonkhe, akembatsisi kwamunye walena." U—u—u—u—u... Mbukeni. Sewulungele ku gi... Awutitsatseli lutfo lolungolwaho lucobo. Umnduze awunandzaba ngewawo. Wentani na? U—uphonsa buhle bawo, imphilo yawo, kute labanye babone. Imphilo yawo ivetwa ngaphandle, kuze labanye babone inkhatimulo, lekuwo, leyayikuwo kulolodzaka. Manje sewungetulu.

Lowo ngumncobi. Uncoba ludzaka. Uncoba tintfo telive. Futsi manje utinikela wona ngesihle. Wonkhumuntfu angawubuka. Imphilo yawo, ungeke wabeka umuno wakho etikwawo. Niyabona na? Ungumncobi impela. Ungeke washo lutfo ngawo manje. Utsi, “Uphuma eludzakeni.” Kodvwa awukho eludzakeni manje. Ungetulu kwalo. Amen. Ungeke manje wakhomba emuva kuloko lobewungiko. Longiko manje? Sewungetulu.

⁹⁷ Bese-ke inyosi iyafika bese itsi, “Lawo ngemakha lasimanga. Ngikhholwa kutsi ngitohamba bese ngiyotfola incenye yami.”

⁹⁸ Uvele nje uvule inhlitiyo yawo, “Wota manje. Kulungile.” Yonkhe intfo itsatfwa kuwo. Niyabona na? Wona, ungmelusi sibili. Uveta iNkhatimulo yaNkulunkulu. Futsi bukani lapho uvela khona. Wadzingeka uncobe, kute wente loko.

⁹⁹ Ngalesinye sikhatsi, lowesilisa noma lowesifazane bekamusha futsi abukeka, amuhle. Bebanencumbi yetilingo kutsi bendlule kuto, kodvwa bakuncoba loko. Niyabona na? Bayancoba. Manje baveta buhle sibili baKhristu emphilwени yabo. Caphelani, baveta, bendlula eludzakeni.

¹⁰⁰ Jesu wasinika sibonelo, kutsi kwentiwa kanjani. Manje sifuna kwati kutsi kuncotjwa kanjani. Jesu wasitjela kutsi kwentiwa kanjani. Niyabona na? Kutfobeka! Watibopha Yena lucobo, watsatsa lithawula, wase ugeza tinyawo tebafundzi futsi watesula. Yena kanye loNkulunkulu waseZulwini watfobeka Yena lucobo.

¹⁰¹ Asifuni kuhlazeka. Kungalesosizatfu besifazane bangafuni kutsi tinwele tabo tikhule (Niyabona na?); sizatfu bangafuni kugcoka njengoba bodzadze bafanele bagcoke. Njengekutsi, besilisa abakufuni, niyabona, kuyintfo lefanako. Abafuni. Bona, batfola kuhlazeka.

Kodvwa, Jesu, njalonjalo! Bukani kutsi BekanguBani. Bukhulu! Ngitosho intfo letsite. Bukhulu buyatilulata. *Bukhulu* buyatitfoba. Bukhulu!

¹⁰² Ngike ngaba nenhlanhla yekutfola, nighlangana nemadvodza lamakhulu. Futsi ngulabo bafo labanekuntjintja timphahla tekugcoka, netihlanu ekhukhwini labo, nekukhehletisa, ngulowomfo locabanga kutsi ulutfo abe angesilutfo. Kodvwa ngime ngasemadvodzeni lamakhulu, ngicondzemadvodza lamakhulu lanemikhono lemanikiniki, imiphethfo yemikhono. Akwenta ucabange kutsi ungumuntfu lomkhulu. Niyabona na?

Bukhulu bukutfobeka. Ningakukhohlwa loko, Bandla. Bukhulu buvetwa ekutfobekeni, hhayi kutsi ungaba kahle kanjani.

Angikacondzi kona kungcola, manje. Ngi—ngicondzemadvodza emoyeni. Niyabona na? Angikacondzi kona nje ku—

kuphuma futsi ungaphindzi ugeze futsi uhlante konkhe. Loko, ufanele ukwente loko. Uyakwati loko. Uyabona na?

Kodvwa ngicoca ngekutfobeka, kutfobeka kwelucobo, hhayi intfo yekutentisa. Intfo le, lekutfobeka mbamba.

¹⁰³ Jesu wasitjela kutsi kwentiwa kanjani. Uyancoba. Kuchaza... *Kuncoba* kuchaza kutsi “kumela kuvivinywa,” kunjalo, njengoba kwenta bonkhe labangcwele; njengoba kwenta Jesu: ekhatsi kwato tonkhe titsa taKhe, Wakumela kuvivinywa. Yonkh’intfo Lavivinywa ngayo, Wayimela. Kubo kanye nje buso bekugula, futsi Yena anguMesiya, Wabaphilisa. Ebusweni bekufa, Wakubuyisela ekuphileni. Ebusweni baseKhalvari, kufa kwaKhe luCobo, Wakwehlula ngekutinikela Yena lucobo. Leni na? NgeLivi. Watsi, “Bhidlitani leliThempeli, futsi Ngiyolivusa ngetinsuku letintsatfu.” Livi lasho njalo. Niyabona na? Futsi ebukhoneni bekufa, Wakwehlula. Uncoba kufa. Ebukhoneni besihogo, Wehlula sihogo futsi wancoba sihogo. Yebo. Ebukhoneni belithuna, Uncoba lithuna. Leni na? Konkhe ngeLivi, nekutfobeka. O, hhe! Nango uMuntfu sibili. Nango longaMenta sibonelo sakho. Niyabona na? Wehlula yonkh’intfo, wayincoba.

¹⁰⁴ Bukan. Silingo sasentelwe Yena. Niyakwati loko na? LiBhayibheli latsi, “Walingwa ngako konkhe njengatsi, noko angenasono.” Walingwa nge—ngekunatsa. Walingwa besifazane. Walingwa ngayo yonkhe intfo lokwakungalingwa ngayo. Walingwa ngayo yonkhe intfo lesingyo. BekanguMuntfu, kepha noko wawungeke ubeke sici kuYe. Yebo, mnumzane.

¹⁰⁵ *Kuncoba* kuchaza “kumcondza develi kuwo onkhe emachinga akhe.” Incumbi yebantfu itsi, “Kute develi. Ngumcabango nje.” Ningakukholwa loko. Ukhona develi mbamba. Unguye impela nje njengoba wena unjalo noma ngubani. Develi mbamba, futsi nifanele nimcondze sibili. Nifanele nati kutsi ungudeveli. Ngako-ke, ngesikhatsi lesifanako le—lenimcondza ngaso, futsi nati kutsi ungudeveli futsi umelene nani, khona-ke, kuncoba, nifanele nicondze kutsi Nkulunkulu lokini mkhulu futsi unemandla kakhulu kunaye, kutsi Loyo lokini sewuvele umncobile. Futsi, ngemusa waKhe, nine niyamendlula. Amen. Nako ke kuncoba sibili, uma nicondza.

¹⁰⁶ Ubuka emuva, utsi, “Ngenta *loku* futsi ngenta *lokwa*,” ngako-ke, cha, wena—wena, wehluliwe.

“Kepha akusekho kulahlwa kulabo labakuKhristu Jesu, labangahambi ngekwenyama, kepha ngaMoya.” Bese-ke niyacondza kutsi nincobile.

Futsi niyati kutsi ungudeveli. Ningeke nitsi, “Ngingekugula, futsi a—a—a—angikhola kutsi kugula.” O, yebo, kugula. Unemdlavuza, wena “awukholwa kutsi ngumdlavuza.” Ngumdlavuza. Ngumdlavuza.

Kodvwa, khumbulani, “Mkhulu Lowo lokini kunalowo loseveni.” Nifanele nicondze kutsi Moya loNgewelete lokini sewuvele uyincobile lentfo. Futsi Ukini, futsi ningancoba ngaYe. Loko kuyevakala sibili, yindlela nje umBhalo lobhalwe ngayo. Kuncoba!

Ngifanele ngisheshise. Sengente imizuzu lengemashumi lamane nesihlanu manje. Sengeca sikhatsi mbamba manje.

¹⁰⁷ Caphelani, kuncoba! LoNkulunkulu lokini mkhulu kunalowo lokuye. Lonkulunkulu walelive akasimkhulu njengaNkulunkulu waseZulwini, lokini, akusingetulu kwekutsi bumnyama bungema ebukhoneni bekukhanya.

¹⁰⁸ Manje, bumnyama bungeke bume ebukhoneni bekukhanya. Angikhatsali kutsi kumnyama kanjani, kuhanya kuyobukhipha. Bungeke bema. Ludvumo! Kodvwa tsatsa noma ngulobungakanani bumnyama lofuna kubutsatsa, bese utama kuma uphikisane nekukhanya kanye, ubone kutsi kwentekeni.

Ngulowo Lokini, ukuKhanya. Nalowo loseveni ubumnyama. Ngako, kuKhanya kufakazele kuncoba bumnyama, nemunfu lokuKhristu futsi lowatiko kutsi utincobile tintfo telive. Amen. Akusenatibopho kuwe, nhlobo. Ukhululekile. “Hambani ekuKhanyeni, njengoba Yena asekuKhanyeni, neNgati yaJesu Khristu ishlanta kuso sonkhe sono, futsi sinenhlanganyelo lomunye nalomunye.” Nako laph’ukhona.

¹⁰⁹ “Lowo lokini mkhulu kunalowo loseveni.” Manje, uma nibuka emuva futsi nilahliwe, khona-ke nisasolo niseveni. Kodvwa uma niphila ngetulu kwaloko, khona-ke Lowo lokini uniholele ngetulu kwebumnyama.

Njengemnduze, ungetulu kwebumnyama beludzaka. Ungetulu kwemanti laneludzaka. Usekukhanyeni, ukhombisa buhle lobafakwa kuwo ngaphambi kwekutsi ushiye ludzaka. Amen.

¹¹⁰ Manje ngi—ngitivela nginjengemKhristu lomemetako. Kutsi yini leyayisekhatsi lapho ngaNkulunkulu, ekucaleni, kwafuca indlela yako kwendlula, kuncoba. Kuncoba ligobolondlo. Kuncoba ludzaka. Kuncoba emanti. Kuncoba yonkh’intfo, futsi kwakungumncobi, futsi kwabonisa buhle neNkhatimulo yaNkulunkulu.

¹¹¹ Nguleyondlela lonkhe likholwa lelenta ngayo. Nguleyondlela Nowa lenta ngayo. Nguleyondlela Loti lenta ngayo. Nguleyondlela. Bukani inyakanyaka lebekakuyo. Nguleyondlela Mosi lenta ngayo. Nguleyondlela Joshuwa lenta ngayo. Nguleyondlela Danyela lenta ngayo. Nguleyondlela Shadraki, Meshaki lenta ngayo. Nguleyondlela Johane umBhabhatisi lenta ngayo; Zakhariya, Elizabeth. Nguleyondlela Simeyoni, nguleyondlela Ana, wonkhe wabo lenta ngayo. Bancoba ludzaka lolwalubatungeletile futsi lwagcwala kubo. Baveta inhloko yabo ngetulu kwalentfo, futsi

bakhanyisa iNkhatimulo yaNkulunkulu. Nguloko lokwentiwa ngumKhristu sibili.

¹¹² Khumbulani, Jesu waMkhombisa kutsi kwentiwa kanjani. Tinsuku letingemashumi lamane tekulingwa, Walingwa ngetulu kwanoma ngumuphi umuntfu lobekangake ake alingwe, ekulingweni kwaJesu Khristu. Bukisisani. Wasikhombisa kutsi kwentiwa kanjani.

Manje sengitovala, emizuzwini lembalwa nje.

¹¹³ Bukani. Wasikhombisa kutsi kwentiwa kanjani. Wakwenta kanjani na? NgeLivi. Ukwente kanjalo-ke, ngoba BekaLivi. NaJesu watsi, "Uma nihlala kiMi, nemaVi aMi akini," senibuyelevi eVini futsi, Livi lesetsembiso. Liyini Livi lesetsembiso kuwo wonkhe umKhristu na? "Mkhulu Lowo lokini kunalowo loseveni." Ngako-ke ngincoba kanjani na? Hhayi mine, kodvwa leLivi lelikimi. Livi linguNkulunkulu. Khona-ke ngincoba tintfo telive, ngoba Livi kimi. "Uma nihlala kiMi, emaVi aMi akini, khona-ke nje celani lenikutsandzako." Chubekani nje nicindzetela niy'etulu. Nita ngetulu, ngalokucinisekile njenganoma yini. Niyabona na? Nifanele nifiike ngetulu.

¹¹⁴ Tinsuku takhe letingemashumi lamane tekulingwa, ngeLivi laNkulunkulu Uyancoba. Ngifuna kuveta intfo letsite lapha kwemizuzu lembalwa nje. Sathane wenta kuhlasela lokukhulu lokutsatfu etikwaKhe kuloko kulingwa. Bukisisani. Kuhlala njalo kukulobo butsatfu. Ningakukhohlwa. Niyabona na? Wenta kuhlasela lokukhulu lokutsatfu, kusukela kulokuphakeme kunako konkhe kuya kulokuphansi kunako konkhe. Wetama ngemandla akhe onkhe kuMncoba. Kodvwa BekaLivi. Amen. Wasebentisani na? Cobo Iwakhe, Livi. Kuhlasela lokukhulu lokutsatfu kwaSathane noma kuhlasela noma kushaya kuYe, kodvwa Wahlangabetana nako ngeLivi. Konkhe kuhlasela, Bekakwati kukwenta ngeLivi. Bukisisani loku manje, kusukela kulokuphakeme kunako konkhe kuya kulokuphansi kunako konkhe.

¹¹⁵ Kwekucala lenta kuhlasela kwakhe etikwako, kutsi asebentise emandla aKhe lamakhulu. Lokukutsi, Bekati kutsi BekaLivi. Bekayati indzawo yaKhe. Niyakholwa kutsi Bekayati na? [Libandla litsi, "Amen."—Umhl.] "Mine iNdvodzana yemuntfu." Bekayati indzawo yaKhe. NaSathane uyafika futsi bekafuna kutsi Asebentise emandla aKhe luCobo kuYe lucobo, kutsi Atondle, ufunu Atondle. Bekalambile. Umuntfu angalamba, cishe impela angenta nomayini. Uyokweba, agebenge, acele, aboleke, noma yini. Niyabona na? Bekanaloko kulangatelela kudla. NaSathane wasebentisa kushaya kwakhe kwekucala lokukhulu kakhulu etikwaKhe, kutsi atsatse emandla aKhe Lebekakadze anikwe wona kutsi ancobe ngawo futsi awasebentise kuYe lucobo. Akawasebentisanga kuYe lucobo. Cha. Wawasebentisa kulabanye. Kunjalo.

Wawasebentisa kulabanye, hhayi Yena lucobo. Bekangesiwo aKhe. Naloku nje, Bekangakwenta. Bekangakwenta impela.

¹¹⁶ Kodvwa niyabona kutsi develi utfolani na? Develi ufunu unake yena. Bekenaka kuphela loko Babe lebekatsi akakwente. Kunjalo.

Watsi, “Leni,” Sathane watsi, “kubhaliwe, ‘Uyoyala tiNgelosi . . .’”

¹¹⁷ Watsi, “Yebo, kepha kubhaliwe futsi . . .” Niyabona na? Nako laph’ukhona. Niyabona na? Bekati kutsi BekanguBani. Sathane wenta . . .

UMcabango ugijima ujule kunalowo Lobhaliwe. Niyabona na? Kuphefumulelwa. Umnyombo ungekhatsi kwaWo, niyabona, loko Longiko sibili.

¹¹⁸ Naloku nje Bekangakwenta, Akakwentanga. Kodvwa A—Akazange asinake siphakamiso saSathane.

Manje, nayi intfo lenhle. Niyabona na? Ngalesinye sikhatsi Sathane angakutsatsa, futsi uma ucabanga kutsi wenta intsandvo yaNkulunkulu, futsi angakwentela siphakamiso, uyotsatseka kuso. Yebo, mnumzane. Impela angakwenta.

¹¹⁹ Manje ake sitsatse nje, sibonelo nje, njengabodzadzewetfu. Bahle. Futsi angakufikisa endzaweni, kutsi, uyekele tinwele takho tikhule, awukacondzi. Kubukeke kukuhle kakhlulu kuwe, futsi, intfo yekucala uyati, utsi kutfola kutiva uphakeme, utsite kuba ngetudlwana kwalenye intfo. Labanye benu besilisa, niyati kutsi ngichaza kutsini. Niyabona na? Futsi lowesilisa angatsatsa leyontfo lefanako futsi ayente siphakamiso nawe. Kunjalo. Niyabona. Ufanele ukuncobe loko.

Khumbulani nje, niphilela Nkulunkulu. Ninenjongo yinye, naleyo nguJesu Khristu. Ngaphandle kwaley, ayikho lenye lemcoka. Leyo nguYe. Bes-e-ke, yesibili, yemndeni wakho. Bes-e-ke, yesitsatfu, yakho lucobo. Kodvwa, kucala, kwaNkulunkulu; lokulandzelako, kwemndeni wakho; nalokulandzelako, kwakho. Wena uwesitsatfu; loko kuphela kwemgwaco. Tibeke wena ube wekugcina; Wakwenta.

¹²⁰ Bukani kutsi ngabe Wentani. Watsi, “BeNgingabita Babe waMi, ngikhulume naYe, Bekayovele nje masinyane aNgitfumelele bolegiyona labalishumi nakubili betiNgelosi.” Kantsi, lenye yaTo yayingabhubhiswa umhlaba. Watsi, “Kube uMbuso waMi bewungulelive, khona-ke tikhonti tami betiyokulwa. Kodvwa uMbuso waMi unguwaseTulu.” Nako laph’ukhona. Niyabona na? Bekangakwenta loko, kodvwa Akakwentanga. Niyabona na? Naloku nje, Bekangakwenta. Akazange asilalele siphakamiso saSathane.

¹²¹ Manje, nibevile yini bantfu batsi, “Uma—uma ukholwa kutsi—kutsi kunemphilisi waNkulunkulu . . . Uma ungumphilisi waNkulunkulu . . . Hamba ulandze umphilisi wakho

waNkulunkulu. Nginendvodza lapha, iyagula. Ngitsandza kumbona ayiphilisa.” Niyabona lowodeveli lofanako na? [Libandla litsi, “Amen.”—Umhl.] Utama kwenta siphakamiso nawe. Utama kukwenta umlalele esikhundleni saNkulunkulu. Kodvwa yona mbamba, inceku yaNkulunkulu iyolalela futsi ibone kutsi Babe utsini, kucala. Niyabona na?

¹²² Njengalomntfwana lomncane waStadsklev, ngesikhatsi batfumela ngalapha. NaNkkt. Stadsklev watsi, “Mnaketfu Branham, ngishaye lucingo ngiseJalimane.” Kwakukhona umbutfo wetemphi waseMerica, unalenye yaletindiza lettingemajethi tibekwe ngephandle lapha enkhundleni, ingangindizisa ingiyise ejalimane iphindze ingibuyise, ngelilanga nje. Bekangumfundisi wasemphini. Nalomntfwana bekalele, afile. Naloyomake lomncane akhala kakhulu, watsi, “Lalela!” Watsi, “Ngiyati. Ngema khona lapho futsi ngambona lowo wesifazane aphetse loloswane lolofile emikhonweni yakhe, lebelufe ngaloko kusa. Ngimbonile uMnaketfu Branham aphumela lapho ngco, wabeka tandla etikwaloswane lolofile, futsi lwaphila.” Watsi, “Lona ngumntfwanami, Mnaketfu Branham.” Kwakungakaze kubekhona kufa emndenini wabo. Niyabona na? Nalentfo lencane yangenwa kugula ngalokunye kusa futsi yafa ngaleyontsambama.

Lapha kwakume bonkhe batungeletile, futsi baniketa tiprofetho netintfo, “Lomntfwana utovuka,” nako konkhe kanjalo.

¹²³ Ngatsi, “Yebo-ke, loko kuhle ke kakhulu, Dzadze Stadsklev. Kodvwa ake ngibone kutsi Babe utsini.”

Ngaphuma ngaya emahlatsini. Ngase ngiyakhuleka. Ngabuya ngangena; besavele ashaye kibili noma katsatfu ngaphambi kwekutsi ngibuye ngekusa lokulandzelako. Lutfo.

Dokotela watsi, “Kulungile.” Watsi, “Uma loko kungiko, uma unekukholwa lokunjalo, dzadze, angeke sivumele lomntfwana esuke lasibhedlela. Myekele alale khona lapha. Hlala khona lapha naye. Loko kulungile.”

UMnaketfu Stadsklev wahamba wase ubona indvuna yasemphini. Batsi, “Impela. Sitomndizisa ewele, sibuye simbuyisele emuva.”

¹²⁴ Futsi kwakukhona indiza ihleti, ilindzile, kungiweta ngaloko kusa iphindze ingibuyise ngalobobusuku, ngiye ejalimane, eHeidelberg, ejalimane, ngekuvuka kwalomntfwana lomncane. Ngatsi, “Impela, Nkulunkulu angakwenta, kodvwa ake sibone kutsi iyini intsandvo yaKhe.”

¹²⁵ Ngase ngiyaphuma ke, ngakhuleka busuku bonkhe. Akwentekanga lutfo. Ngabuya ngekusa lokulandzelako; akwentekanga lutfo. Ngase ngicala kuya ekamelweni. Ngalesosikhatsi nje ngabuka laphaya, futsi nako kume loko kuKhanya kulenga lapho emnyango. Kwatsi, “Ungasibeki

sandla sakho kuloko. Ungakukhuti loko. Leso sandla saNkulunkulu.”

¹²⁶ Ngamtfola elucingweni. Ngatsi, “Dzadze Stadsklev, mngcwabe lomntfwanakho. Sandla seNkhosi. Yintsandvo yaNkulunkulu. Intfo letsite yayitokwenteka kuloyomntfwana phansi ngakulowomugca. Myekele aye ngco lapho Nkulunkulu ati khona kutsi ukuphi. Ungaya kuye manje. Uyaphila, ungeke. Myekele khona kanjalo.”

¹²⁷ Lowomshumayeli lomkhulu loliLuthela eJalimane wabhalu incwadzi wase utsi, “Ngingakutfokotela kanjani pho, loko, Mnaketfu Branham ulindzele lesosincumo saNkulunkulu lesinguncamlajucu, ngaphambi kwekutsi asho noma yini.”

Nguloko-ke. Bambelela esincumeni saNkulunkulu. Akunandzaba kutsi labanye batsini, noma ngabe kuyini, ungenti siphakamiso naSathane, nhlobo.

¹²⁸ Uma Sathane atsi, “Manje, umbhabhatiso wemanti, ligama le ‘Yise, iNdvodzana...’” Uma loko, wenta ngisho nesiphakamiso, siyekelie kanjalo. Nkulunkulu washo ngalokunye. Uma atsi, “Unguwesilisa lolungile, awudzingi kutsi ube... Unguwesifazane lolungile, awudzingi kutsi wente...” Ungenti siphakamiso. Uma Livi lisho intfo leyehlukile, wena hlala neLivi kungakhatsaleki kutsi kuyini. Nguleso sibonelo Jesu laninika sona, futsi nako loko kushaya lokukhulu, niyabona, lakwenta kuYe.

¹²⁹ Bese-ke, kushaya kwesibili. Ngitosheshisa. Kubukeka nje kwangatsi sikhatsi nje sihamba ngekushesha kakhulu. Kushaya lokukhulu lokulandzelako kwakukutsi, lakwenta etikwaKhe, kutsi Bekatoba ngulobukisako.

Nekutsi loko kutishaya kanjani tinceku taNkulunkulu, kuba ngulobukisako, kukhombisa kutsi yini longayenta. “Ludvumo kuNkulunkulu! Haleluya! Ngingumkhululi! Ngingu s’banibani.” Niyabona na? Niyabona na?

¹³⁰ “Yenyukela lapha, esicongweni selithempeli, bese uhlala phansi lapha.” WaMlinga kutsi akwente. Manje, khumbulani, Walingwa kutsi akwente, kamatima. Watsi, “Manje, uma Ufuna kuba lutfo phambiphe kwebantfu, sukuma lapha kulelithempeli, ugcumele phansi.” Niyabona na? “NgitoKunika umBhalo wako, ngoba kubhaliwe, ‘Uyoyala tiNgelosi ngaWe, funa, nomanini, uchuzuke etjeni ngelunyawo. Utokutfwala Wena.” KuMenta abe ngulobukisako, kukhombisa ligunya laKhe.

¹³¹ Akukho nceku yaNkulunkulu yeliciniso leyake yenta loko. Ubona indvodza ibukisa, icunsule sifuba sayo, nako konkhe kanjalo, khumbulani nje, kuhkona lokutsite lokungakalungi lapho. Cha. Nkulunkulu akakufuni loko. Jesu wabeka sibonelo. Bekangakwenta. Impela bekangakwenta, kodywa Akawentanga. Akukho inceku yaNkulunkulu lenalobukisako,

ngayo, kutama kutsatsa emandla aNkulunkulu futsi tibukise ngetulu etikwalomunye umuntfu.

¹³² Niyakhumbula kutsi Mosi wakwenta loko na? Niyakukhumbula na? [Libandla litsi, "Amen."—Umhl.] Nkulunkulu umnika emandla kutsi ente noma yini lebekafuna kuyenta; wamenta umprofethi. Wehlela kulelodywala, wase uyalishaya leliDvwala kwesibili. Loko kwakuphambene nentsandvo yaNkulunkulu.

Nkulunkulu watsi, "Khuluma nalelodywala. Ungalishayi futsi. Wephula sonkhe si—sonkhe si—sifanekiso lapha. Lidvwala litoshaywa kuphela kanye." Kodvwa wakhuluma ngebutsakatsaka beLivi ngesikhatsi enta loko; Loko kwakungakeneli. Ya. Livi lalisolo lichubeka. Lelodvwala laliLivi. Niyabona na?

¹³³ Yena, kwekucala, walishaya liDvwala nemanti aphuma. Base-ke bayoma futsi. Watsi, "Manje buyela emuva bese ukhuluma nalo liDvwala." Lashaywa kanye kuphela. Niyabona na?

"Kungeneli kweLivi," Mosi wafakaza ngako. "Livi lalingakacinisi; Bekadzinga ashaywe futsi."

¹³⁴ Ngako Mosi wehlela lapho wase uyalishaya leliDvwala kanjalo, watsi, "Vela!" Angaveli, ngako walishaya futsi, wase utsi, "Vela! Ngiyakuyala kutsi uvele." Nemanti efika.

¹³⁵ Nkulunkulu watsi, "Yenyukela lapha. Wota lapha. Utidvumise wena. Utsetse emandla aMi; esikhundleni sekungcwelisa Mine, utingcwelise wena. Manje awuweleli kulelive. Buka ngesheya, ubone kutsi belibukeka kanjani; kodvwa, lapha, utsala khona lapha." O, hhe! Akukaze kubekhona ionjengaMosi, niyati. Cha, cha.

¹³⁶ Ngesikhatsi efika kuloko kubukisa naJesu, watsi, "Yenyukela ethempeli lapha bese ugcumela phansi."

¹³⁷ Watsi, "Kubhaliwe," amen, "'Ungayilingi iNkhosi Nkulunkulu wakho.'" Niyabona na? Wahlangana naye ngeLivi, kuloko, konkhe kuhlasela lokukhulu.

¹³⁸ Kute inceku yeliciniso leke itame kubukisa ngayo, nge—ngemandla aNkulunkulu. Yakwenta, ilahleka ngaso lesosikhatsi.

¹³⁹ Kuhlasela lokukhulu kwesitsatfu, Sathane wanikela kutsi alahlekelwe lilungelo lalombuso kuYe. Wakwenta. Sathane watsi, "Uyayibona lemibuso yalelive na? Lena yami. Ngenta ngayo nomayini lengifuna kuyenta. Ngitolahlekelwa lilungelo layo kuwe."

Kodvwa, khumbulani, beketama kuMtfolela kutsi alahlekelwe lilungelo lawo ngaphandle kwesiphambano. Kube Wakwenta, ngabe salahleka. Bekangawutsatsa umbuso. Kodvwa Ufanele alandzele i...Ufanele abuye. Walingwa

kutsi akwente, manje. Kufa kuyintfo lelukhuni. Walingwa kutsi atsatse inkhululeko yaKhe futsi abe yiNkhosi yemhlaba, ngaphandle kwesiphambano. Kodvwa, kube Wakwenta, tikhonti taKhe ngabe tafa. Sathane bekayosenta ngekujabula leso siphakamiso naYe. Kodvwa Watsi, "Buya emvakwaMi, Sathane." Akakwentanga.

¹⁴⁰ Weta futsi wahlupheka, futsi watsatsa lelukhuni, indlela lemahhedle. Watsatsa indlela yekuhlushwa. Watsatsa indlela yekufa.

Ngabe tsine, manje ekuseni, siyavuma kwenta, sitsatse leyondlela lefanako Layitsetse na? Siyavuma yini kufa na? Siyavuma yini kutinikela kuNkulunkulu, silahlekelwe lilungelo la lolonkhe live netintfo, kutsi sikhonte Yena na? Niyabona na?

¹⁴¹ Manje, Wehluleka kukwenta. Ngekutitsandzela ku-kulahlekelwa lilungelo lawo, Sathane bekanjalo, kuYe. Kodvwa Akakwentanga. Naloku nje Jesu walingwa, Uyasincobela. Wa-Watibeketelela tonkhe tilingo ngenga yami nangenca yakho. Niyabona na? Ngabe wawutsatsa ngaso lesosikhatsi. Kodvwa wayitsatsela ini lenye indlela na? Kuze sikhone kuta, sibe naYe. Futsi uma Abhadala imbadalo lengaka njengaleyo, manje-ke besiyobabancane kanjani kutsi singalitsatsi na? Kantsi, khumbulani, akukho lutfo lapha, empeleni.

¹⁴² Uma uphila iminyaka lelikhulu, utofikaphi na? Ngekwengcondvo, nengcondvo yakho seyihamble, yonkhe ikhubatekile, futsi seyindzala futsi iyantengantenga. Ngulapho lawuyakhona, naloko kuphela kwayo. Wota manje, ncoba lentfo. Ukwenta kanjani na? NgeLivi. Loko lokushiwo Livi, wena kwente. Hamba utifoba. Phila phambi kwaJesu.

¹⁴³ Wabeketelela tintfo tonkhe ngenga yakho nami. Usibonelo setfu kutsi sisincoe kanjani situkulwane setfu lesibi, njengoba Ancoba situkulwane saKhe lesibi.

¹⁴⁴ Khumbulani, ngesikhatsi Eta emhlabeni, kunalokunengi impela nje kungakholwa, noma lokungetulu, kunaloko lokukhona nomangasiphi sikhatsi. AkuMkhatsatanga nakancane. Ngesikhatsi baMbita ngelidimoni esikhundleni saNkulunkulu, ngesikhatsi baMbita ngayoyonkhe intfo leyayingentiwa, akuMkhatsatanga nakancane. Bekenenjongo yinye: "Kucabanga ngaBabe. Agcine Livi." Livi linguNkulunkulu. Bekenemcondvo munye.

¹⁴⁵ Ngioletinye tikhatsi siyalingeeka kutsi sibuyeles emuva. Labanengi benu, balingwa kutsi babuyeles ehlelweni, babuyeles emuva futsi bacalele phansi, ngoba wonkhe umhlaba utsi, "Uwaliphi lihlelo na? Nguliphi libandla lotihlanganisa nalo na?" Siyalingeeka kutsi sente loko; sonkhe sinjalo. Bodzadzewetfu bayalingwa kutsi babuyeles emuva, babuyeles emuva futsi bajoyinane nawo onkhe lamanye emabandla, nalamanye ema-Assemblies, noma ema-church of God, noma lamanye awo; kube

kusolo kuyiPhentekhostali, nihhule tinwele tenu, futsi nigcoke nje cishe nganoma nguyiphi indlela lenifuna ngayo. Niyabona na? Niyalingeka kutsi nente loko, nibuyelete emuva futsi nibe ngulabatsandvwa bantfu nalesitukulwane lesi lesibi lesiphila naso.

Ngesikhatsi, lesi sono lesikhulu setinsuku tetfu. Sisono lesikhulu emkhatsini webantfu bakitsi, kugcwala live, njengoba liBhayibheli latsi iLawodi-...Mnyaka waseLawodisiya wawunjalo. Ligewelete live, "Licebile, alisweli lutfo; alati kutsi lingcunu, lekuhawukelwa, lingulelilusizi, futsi liphumphutsekile." Leso sono selusuku lwetfu. Uma niva Livi laNkulunkulu limemeta limelana naso, bese-ke nitsatsa lenye indlela, anitsandvwa bantfu eveni. Niyalingwa kutsi nibuyelete emuva.

¹⁴⁶ Ngiyati. Nibesolo nisho kimi. Ngiyati kutsi nitsi, "Ngasosonkhe sikhatsi." Ngiyati niyadzinwa ngami ngikhuluma njalo ngaletintfo leti. Ngiyandzinwa kunibona nikwenta, nami, kunjalo, lesono lesi lengitama kunitjela ngaso. Nitsi, "Yini ukhuluma ngaso njalo pho?" Yekelani kusenta, ke. Ngitama kusindzisa imphilo yenu, ngeLivi. Ngiyadzinwa, futsi. Ngako, condzani nje. Lesi sono, asikafaneli sentiwe. Yebo, mnumzane.

¹⁴⁷ Simele kutincoba letintfo leti. Sibhekeke kutsi silingwe ngato, live. "Utsanza live, tintfo telive, lutsandvo IwaNkulunkulu alukho kuwe," kwasho Jesu.

¹⁴⁸ Manje sitovala nje, futsi shisho loku. Kunemvuzo wemncobi.

¹⁴⁹ Ake nginifundzele intfo letsite lapha. Vulani emaBhayibhelini enu. Asibuyelete eSambulweni, se 3, sahluko se 2. Bukisisani lapha manje, tonkhe letintfo leti lebengikhuluma ngato, kutincoba. Manje tibuke wena nje futsi ubone. Tihlole wena esibukweni sekutibuka sakamoya, ubone kutsi uncobile yini.

¹⁵⁰ Manje, umlayeto wekucala, e—engilosini yase-Efesu, ngifuna nilalele kuloko Lakusho. NeSambulo, sahluko 2, livesi 7. Loku kukulowomnyaka welibandla, ngesikhatsi Abatjela konkhe lebebakwentile, "Bashiya lutsandvo Iwabo Iwekucala." Livesi le 7:

*Loyo lonendlebe, akeve loko lokushiwo nguMoya
emabandleni; Kuloyo (lomuntfu, hhayi libandla)...
Kuloyo loncobako—loncobako Ngitomnika kutsi adle
esihlahleni sekuphila, lesisemkhatsini nepharadesi
yaNkulunkulu.*

Niyabona na? Bancobi e-Efesu.

¹⁵¹ Manje, lolandzelako kwakuSmina. Manje, kubancobi kulowo, silalela loku. Manje, livesi le 11.

Kuloyo—loyo lonendlebe, akeve loko lokushiwo nguMoya emabandleni; Loyo loncobako angeke alinyatwe kufa kwesibili.

Niyabona na? Bayakuncoba.

¹⁵² Manje, loko, manje bukani ePhergamu, sitotfola kutsi umncobi bekamshiyele ini, kuloku. Sitofundza livesi le 17, ebandleni lasePhergamu.

Loyo lonendlebe, . . .

Loko, lowo ngumunfu ngamunye, hhayi licembu lonkhe nje. Umunfu ngamunye, lowo nguMlobokati aphuma, niyabona, liBandla.

Akutsi lowo lonendlebe, eve loko lokushiwo nguMoya emabandleni; Kuloyo loncobako Ngitomnika kutsi adle kwemana, futsi ngitomnika litje lelimhlophe, nasekhatsi kulelitje kubhalwe ligama lelisha, lelingatiwa ngumunfu kusindzisa loyo lolemukelako.

Lowo ngumncobi, wemnyaka welibandla.

¹⁵³ Manje, lolandzelako iThiyathira. Ake sitfole kutsi umncobi bekanani ngalolosuku. Asitsatse livesi lema 26.

Futsi loyo loncobako, futsi agcine imisebenti yami kuze kubesekugcineni, kulowo Ngitawumnika emandla etikwetive tonkhe: (Kunjalo.)

Futsi . . . utawutibusu ngentfonga yensimbi; futsi njengesitja sembumbi batawuphahlatwa babetincetu: njengoba ngisho nami Ngemukela kwaBabe wami.

Niyabona, “NaYe, esihlalweni saKhe sebukhosi.” Khristu utobusa tive, ngentfonga yensimbi. Futsi nali liBandla lelincobako, “Lihleti ekhatsi lapho, naYe, kupahlata tive ngentfonga yensimbi.”

¹⁵⁴ Manje asibayise ebandleni laseSardesi. Manje livesi le 5 lesahluko se 3.

Loyo loncobako, yena lowo utakwembatsiswa ngengubo lemhlophe; futsi Ngitawulicisha ligama lakhe encwadzini yekuphila, kodvwa Ngitawulivuma ligama lakhe embikwaBabe wami, netingelosi letingcwele.

Loko kukumncobi eSardesi.

¹⁵⁵ Manje, asitsatse manje livesi le 12. Manje, loku kusebandleni lase—lase Filadelfiya, evesini le 12.

Loyo loncobako Ngitawumenta insika eThempelini laNkulunkulu wami, futsi angeke asaphindze aphume: futsi Ngitawuhala kuye ligama lami, ligama laNkulunkulu wami, neligama lelidoloha laNkulunkulu wami, lekuyiJerusalem lensha, leyehla iwela ezulwini, iwela . . . Nkulunkulu: futsi Ngitobhala kuye ligama lami lelisha.

¹⁵⁶ *Bukisisani kutsi umncobi utsenjswani. Niyabona na?*

Manje, manje iLawodisiya, lowo ngumnyaka welibandla wekugcina. Kutoba khona labanye bancobi ekhatsi lapho. Bukisisani lapha. Yona, khumbulani, umnyaka welibandla ngamunye, lochubekako udla lifa yonkhe leleminye leyalinikela. Bukisisani etulu lapha. Manje, lapha, kusemvakwekuba sebemukele onkhe lamandla, lamagama lamasha, nayo yonkhe intfo ibhaliwe, Layetsembisa, futsi badla imana lefihliwe, futsi kwehle njalo. Bukisisani lomnyaka welibandla wekugcina, Sambulo 3:21.

Kuloyo loncobako Ngitomnika kutsi ahlale nami esihlalweni sami sebukhos, (ameni), njengoba ngisho Nami ngancoba, futsi nighleti naBabe wami esihlalweni sakhe sebukhos.

Loyo lonendlebe, akeve loko lokushiwo nguMoya emabandleni.

¹⁵⁷ Kunemvuzo webancobi. Fuca uyephambili, mnduze. Uma kukuwe, beka eceleni ludzaka nayo yonkhe lenye intfo, bese ufuca uyetulu. Yebo, mnumzane. “Kutsi ahlale naMi esihlalweni saMi sebukhos.”

¹⁵⁸ Niyati, ngalesinye sikhatsi, make waJakobe naJohane... Singeke sibe nesikhatsi sekukufundza. Make waJakobe naJohane wefika wase ucela lendzawo. Niyakwati loko na? Niyakukhumbula loko na? [Libandla litsi, “Amen.”—Umhl.] “Nkhosi, vumela indvodzana yami ihlale ngakulolunye luuhlangotsi, nalelenye indvodzana yami ihlale ngakulolunye.” Naso sifiso samake ngendvodzana yakhe.

Kodvwa bukisisani. Kodvwa, “Leyondzawo,” Jesu watsi, “yamiselwa ngaphambili.” Lesikhundla lesi sasingakabikhona ngalesosikhatsi. Leni na? Caphelani. “Siyonikwa labo lesicondziswe kubo.” Ini na? Lowo kutsi ahlale ngesekudla, nalomunye losondzele kakhulu kuYe, bekangumncobi noko. Niyabona na? Kwakusasolo...Watsi, “A—Angikuphi loku. Ngeke ngikuphe loku, kodvwa siyoniketwa emvakwekufika kwekuvivinywa.” Amen. Niyabona na? “Ngeke nganiniketa loku. Kodvwa emvakwekufika kwekuvivinywa, bayohlala ngesekudla nesencele. Kunentalo lemiselwe ngaphambili lelindzele loko lengaphandle ngaley. Kuyonikwa labo lokutsenjiselwe bona. Kuyoniketwa lapho, kodvwa kuvivinya kusengakefiki kwamanje; kutsi, usengakancobi kwamanje.” Niyabona na?

¹⁵⁹ Umuntfu lobekatotsa lendzawo ngakulolunye luuhlangotsi, nalomunye kutsi ayitsatse ngakulolunye luuhlangotsi, edvute naYe eMbusweni, yayisengakaniketwa noko, niyabona, kwakungakancotjwa. Kuvivinywa kwakusengakefiki noko. “Kuyokwehla esikhatsini lesitako.”

“Uma sihlupheka nganca yaKhristu neLivi laKhe, sitawubusa kanye naYe, ngoba ULivi.” Khumbulani, “Uma

sihlupheka ngenca yaKhe neLivi laKhe, siyobusa kanye naYe, eVini laKhe.”

¹⁶⁰ Caphelani. Yena, Sibonelo setfu, uyancoba, wase-ke wenyukela etulu, emvakwekuba Sekancobe kufa, sihogo, kugula, lithuna. Yonkh'ntfo, Wancoba. “Wase-ke Weniyukela etulu, wase utfumba labatfunjwe, upha bantfu tipho.” Lelo kwakuliThestamenti leLidzala, nalabangcwеле beliThestamenti leLidzala lebebancobile. Bebabheke uMuntfu lonjalo, futsi bafa ngaphambi kwekutsi Kufike lapho. Kodvwa ngesikhatsi loMuntfu efika, “Akubandvulelanga labo bebalele.” Amen. Ngeke balahleka, nomangayiphi indlela. Bayaphila noma bafile, kwenta mehluko muni na? “Abayubendvulela.” Niyabona na? Bebabheke loko.

¹⁶¹ Ngisho naJobe emuva lapho, bekakubhekile. Watsi, “Ngiyati uMhengi wami ukhona, futsi ngetinsuku tekugcina Uyoma etikwemhlaba.” Kwakunemuntfu nje, umuntfu lophelele. Wanikela ngemhlatjelo. Wente yonkhe intfo Nkulunkulu lamtjela kutsi ayente. Wayenta ngekutitfoba nangenloniphо. Bekangumprofethi. Wase-ke Sathane ueyefika lapho, kutsi amlinge. (Njengoba efika nje kutsi akulinge.) Wentani na? Wachubeka nekuma lapho.

Umkakhe waze waphuma, watsi, “Ungeke wametfuka Nkulunkulu futsi ufe kufa na? Ubukeka ulusizi kakhulu uhleti lapho.”

¹⁶² Watsi, “Ukhuluma njengewesifazane losiwula.” Manje, akazange atsi bekasiwula, kodvwa wakhuluma njengaye. Niyabona na? Watsi, “Ukhuluma njengemfati losiwula.” Watsi, “INkhosi iphile, neNkhosi itsatsile; alibongwe liGama leNkhosi.” Uyancoba.

¹⁶³ Uncoba lokwakutoshiwo bomakhelwane. Uncoba konkhe loko emalunga elibandla, Bildad nabobonkhe, lebebatokusho. Uncoba umbhishobhi naloko lebekatokusho. Uncoba khadinali naloko lebekatokusho. Uncoba lihlelo, loko lebebatokusho. Futsi wahlal nekungcweliswa kweLivi. Amen. Noko, kwambita konkhe lebekanako, ngisho nebantfwana bakhe. Bekenwaya ematfumba ngelucetu lweludziwo, ahleti etikwaloku, kepha noko wancoba. Futsi ngesikhatsi li-awa lelikhulu lekulingwa ekugcineni seliphumelele, ase-ke emafu agoceka ayakhwesha.

¹⁶⁴ Wabuka yonkhe intfo leyayinemcondvo. Watsi, “Kunelitsemba esihlahleni uma sifa; sibuye siphile futsi. Nembewu iwela emhlabatsini, iyabola; ibuye iphile futsi. Kodvwa umuntfu ulala phansi futsi akhiphe umphefumulo; aphele. Nebantfwana bakhe befike, emadvodzana akhe, kumdvumisa nekumlilela; akakuboni. Akabe asavuka. O, nango. Yini indzaba na? Ngiyimbewu, nami. Ngiyintfo letsite, kutsi yimbewu, futsi ngitokuya emhlabatsini. Ngeke ngisavuka. Ngiyolala lapho. O, ngifihle ethuneni, ungigcine endzaweni

lefihlakele kuze kwendlule lulaka lwaKho. Ungincumele sikhatsi futsi ungehlulele. Njengekudleka kwemadvwala, emanti adla litje.” O, wachubeka, ashо tonkhe letintfo leti. Bekakhona kubona tonkhe letibonakaliso leti ngephandle lapho, kutsi kwakuyini. O, bekangakhoni nje kukubona.

¹⁶⁵ Futsi, Dzadze Rodgers, uyakhumbula ngesikhatsi ngishumayela loko emngewabeni waBusty. Niyabona na?

¹⁶⁶ Kanjani, loko, “Bekagubha ematje,” kutsi tikanjani letintfo leti. “O, O Wena, ngifihe ethuneni, futsi unggincine endzaweni lefihlakele.” Bekasolo achubeka nekucindzetela. Watsi, “Ngifisa kwangatsi ngabe bengati. Ngifisa kwangatsi ngabe bengati kutsi ngangingaya kuphi, kuMuntfu lobekangabeka tandla taKhe etikwami, umuntfu losoni, naNkulunkulu longcwele, futsi angikhulumele naYe.” O, hhe! “ULapho. Ngiyati Ulapho. KuneMuntfu lotsite Lapho longenta loko. KuneMuntfu lotsite ndzawanatsite. Ngingamtfolia kuphi lowoMuntfu na? Ngingattolaphi na? Ngiyonconcotsa emnyango waKhe futsi ngikhulume naYe. Uma lomunye uMuntfu bekangabeka kuphela tandla taKhe etikwami, nasetikwaNkulunkulu, futsi—futsi ahlanganise ngelibhuloho indlela yami, akhulume! Uma kuphela bengingatfolia lowoMuntfu! O, uKuphi na?”

¹⁶⁷ Wafunisia kulolonkhe libandla lakhe. Bekafunisise kuyoyonkhe inhlangano yakhe. Akamfolanga uMuntfu lonjalo.

¹⁶⁸ Futsi khona lapho nje, emafu agocana abuyela emuva, futsi wabona lowoMuntfu eta. O! Inhlitiyo yakhe lendzala yashaya ngekujabula. Kwase kwenteka intfo letsite-ke. “Ngiyati uMhlenji wami ukhona. KuneMuntfu lonjalo.” Amen. Usekhona uMuntfu lonjalo. “Ngiyati uMhlenji wami ukhona. Futsi naloku nje, emvakwekuba tibungu tesikhumba sibhubhisa lomtimba, kepha noko enyameni yami ngiyombona Nkulunkulu, lengiyoMbona mine lucobo. Uyokuma etikwemhlabu ngelusuku lwekugcina.”

¹⁶⁹ Ngaloko kusa kweliPhasika, ngesikhatsi Avuka ngephandle ngaley, nemtimba waJobe ungesingetulu kwesipunu lesigcwele semilotsa, bekalindzile. BekanguleloCembu lelikhetsiwe. Wavuka ethuneni futsi wangena edolobheni, na-Abrahama, Isaka, Jakobe, Jobe. O, hhe! Amen. Ngoba, bebabuke uMuntfu lonjalo.

¹⁷⁰ “Nakulabo Lababuke Khristu kwsibili,” labangancoba tintfo talelive, ngemusa waKhe, kutsi bangene kuYe, futsi nivale emehlo enu kunoma yini lenye intfo Ngaphandle kwaKhe neLivi, “Uyobonakala kwsibili eNkhatimulweni.”

“Ngoba licilongo laNkulunkulu liyokhala, labafile kuKhristu bayovuka; labo labasekhona bassaеle bayoguculwa, ngesikhashanyana, ngekuphatima kweliso, bahlwitselwe etulu ndzawonye, kutsi baMhangabete emoyeni.”

¹⁷¹ Noma ngabe ngiyimilotsa lengagcwala sipunu, noma ngabe ngiyaphila ngesikhatsi Efika, akusho mehluko kimi. Amen. Akunandzaba, ngoba ngiwubambile umbono. Iveyili igoceke yabuyela emuva, futsi ngiyaMbona. Loyo lobekangema, futsi abeke tandla taKhe etikwami, umuntfu losoni, nasetikwaNkulunkulu longcwele. Futsi uyinhlawulo yami. ULivi lengilimele. "Ekucaleni bekakhona Livi." UnguleloLivi, futsi Umelele mine, Lapho. Amen. Futsi ngiyolimpongolota, kuphela nje uma ngisenemphefumulo, "UkuVuka kwami nekuPhila kwami." Yonkhe leminye imihlabatsi isihlabatsi lesibishako. Yonkhe leminye imihlabatsi isihlabatsi lesibishako.

¹⁷² Njengoba Ababamba lebebabbheke loko, kanjalo Uyota kulongcwele ngamunye weliThestamenti leLisha loncobe wonkhe umgceki welihlelo, lobekasolo ancoba tonkhe tono letitsandvwa bantfu talolusuku, talomnyaka lesiphila kuwo manje, njengoba Enta kuyoyonkhe leminye iminyaka yelibandla, labo labancoba kulowomnyaka welibandla. Labo labancoba ini na? "Ngicebile. Angikesweli lutfo. Ngine...O, ngingiko konkhe *loku* nako konkhe *loku*. Futsi nginguMlobokati. Nginguloku. Angikesweli lutfo." Kantsi awati kutsi ungu longcunu, lophumphutsekile."

¹⁷³ Niyawubona lowomnyaka lodukisako lengiwushito na? Awufani nalabo lebebajutjwe tinhloko tabo, emuva ngaleya, kutsi batfole litje lelimhlophe; hhayi labo labafa ngaphansi kwekfela lukholo, futsi bashiswa ngetigcobo, netintfo letinjalo; labazuze umchele. Kodvwa ngulomnyaka lodukisako manje, labacabanga kutsi bangiyo yonkhe intfo. "Yebo-ke, ngililunga lelibandla. Ngiyindvodza lelungile. Nginguwesifazane lolungile. Ngenta *loku*. Angidzingi kutsi ngente *Loku*."

¹⁷⁴ "Kodvwa loyo loncobako," loyo loncoba tonkhe letotintfo telive talomnyaka, bayokwentani na? Bonkhe bayohlala naYe esihhalweni saKhe sebukhosi; bayongena ekuHlwitfweni uma Efika. O, hhe! Yini lengiyikhatsalele, pho? Yini lesifanele siyikhatsalele kutsi live litsini na? Yini lesifanele siyikhatsalele kutsi noma ngubani utsini na? Moya loyiNgewe lomkhulu usemkhatsini wetfu. INsika yaKhe yeMilo iyashiola futsi iyasicondzisa. Livi laKhe licinisekiswa embikwetfu. Lutsandvo lwakhe lusenhlitiyweni yetfu. Live lingemuva. Sendlulile ekufeni sangena ekuPhileni. Live licabanga kutsi niyahlanya.

Kodvwa ufanele Jesu etfwale lesiphambano
yedvwa,
Futsi lonkhe live lihambe ngekukhululeka na?
Kunesiphambano sawo wonkhe umuntfu,
Futsi kunesiphambano sami.

¹⁷⁵ Iminyaka lengemashumi lamatsatfu nakutsatfu ensimini, nalesiphambano lesehlukaniselwe bungewele ngiyositfwala ngiyote ngikhululwe kufa.

¹⁷⁶ Akutsi bomnaketfu bangale, basho nomayini labafuna kuyisho, lokungalile. Kodvwa etikwaleLivi ngimile, naleLi lodvwa.

Lesiphambano lesehlukaniselwe bungewele
ngiyositfwala
Ngiyoze ngikhululwe kufa,
Bese-ke ngiya eKhaya, eluHlwitfweni,
ngitfwale umchele.

¹⁷⁷ Nguloko sonkhe lesikufunako. Akusiko na? [Libandla litsi, “Amen.”—Umhl.] Nguloko lesikufunako. Lelo letfu—lelo litsema letfu nekuncusa. Ayikho leminye imicabango lesinayo, kodvwa lowo losetikwaJesu Khristu. Nasetikwekulunga kwaKhe simile, sodvwa, nekulunga kwaKhe eVini laKhe. “NaLivi waba yinyama wakha emkhatsini wetfu.” NeLivi lisasolo Liticinisekisa.

¹⁷⁸ Sincoba kanjani na? Ngekutsatsa Livi, setsembiso, ngekutfobeka, sihamba ngekutifoba.

Lesiphambano lesahlukaniselwe bungewele
ngiyositfwala
Ngiyoze ngikhululwe kufa,
Bese-ke ngiya eKhaya, ngitfwale umchele.

¹⁷⁹ Ngoba, “Uma sekukhala leloCilongo!” Ungangingewaba elwandle, kodvwa liCilongo liyongivusa. Kunjalo. Ngiya eKhaya, ngalelinye lilanga. Amen. Kuze kube ngulesosikhatsi, ngiyozabalaza ngichubeke, amen, ngetfwele lesiphambano lesi; ngigcine emehlo ami hhayi kubantfu, kodvwa etikweKhalvari ngaley, ngoba bekasibonelo sami. Wakhombisa kutsi kwentiwa kanjani. Futsi sibonelo saKhe, siyosilandzela ngekujabula, lusuku nelusuku.

Ngilandzela Jesu sinyatselo ngasinye sendlela.
Ngilandzela Jesu sinyatselo ngasinye sendlela.

¹⁸⁰ Anikutsandzi loko na? [Libandla litsi, “Amen.”—Umhl.] O, ngicabanga kanjani, ngiMlandzela, lusuku nelusuku, sinyatselo ngasinye sendlela.

Asikhulekeni.

¹⁸¹ Nkholosi Jesu, li-awa nemizuzu lelishumi nesihlanu manje, ngime lapha, ngitama kutsatsa Livi laKho futsi ngichaza kubantfu kutsi kuncotjwa kanjani. Wasitjela kutsi kwentiwa kanjani. Awusitjelanga kuphela, kodvwa Wasikhombisa kutsi kwentiwa kanjani. Wasihola. Wasikhombisa kutsi kwentiwa kanjani: semukele Livi ngekhatsi kitsi, futsi siciiniseke kubambelela kuleloLivi, “Kubhaliwe,” kusosonkhe silingo; kodvwa sitifobe, sihambe ngekutifoba. Khona-ke sincobile, ngaWe, ngemandla aKho lasavele asincobile sitsa setfu. Nentfo kuphela lesifanele siyente ku—kuhamba ngekutifoba nje

ngekukholwa, sikhola Loko, nembeji yetfu leyinkhomba yaMoya loNgcwele, naSathane utofanele esuke.

¹⁸² Kunemaduku labekwe lapha. Amelele bantfu labagulako. Bangulabadzingile, Nkhosi. Futsi bayafundza kuleLivi lelingenakuphosisa lapho batsatsa khona emtimbeni waPawula loNgcwele emaduku netindvwangu. Abekwa etikwebantu labagulako. Imimoya lemibi yaphuma kubo, nemimangaliso lemikhulu yentiwa. Manje, UyiNkhosi Jesu lofanako namuhla.

¹⁸³ Pawula washumayela leLivi, futsi wabhala leLivi, Livi lelifanako lelesitama kulilandzela. Ngoba, watsatsa liThestamenti leLidzala futsi walifanisa, futsi wakhombisa kutsi lalisifanekiso, kutsi konkhe kweliThestamenti leLidzala kwakusifanekiso lesiphelele saleLisha. O Nkhosi, kwangatsi singalandzela lesosibonelo.

¹⁸⁴ Sibona iNkhosi yetfu, Leyakwenta. Futsi siyakucondza loko, labo labangcwele beliThestamenti leLidzala, manje ekuseni, sitfola kutsi bahamba. Ngesikhatsi Jesu avuka, bahamba naYe. Futsi, Nkhosi, sikhola kutsi siyohamba lapho Abetsa liCilongo. Siyakukholwa, kutsi uMlobokati uyophuma ahambe ngaloloSuku futsi ayojoyinana ne—nelicembu lemaHebheru laKhe, futsi, kanyekanye, kuyoba nesidlo sakuSihlwa seMshado eNkhatimulweni. Labo balindzile.

Sikhulekela manje sihawu saKho nemusa etikwetfu. Bancobi, Nkhosi, bancobi, siyakulangatelela kuba bancobi. Sincobe. Nkhosi Jesu, Ncoba lelive. Manje ngikhulekela kutsi Utovumela wonkhe umuntfu lapha, manje ekuseni, "Silahle sonkhe sono, silahle lokusindzako lokutsandzela kangaka kitsi, kuze sigijime ngekubeketela kulokuncintisana lesikumiselwe."

¹⁸⁵ Pawula wakhulumu loku, Babe wetfu loseZulwini, laphaya eNcwadzini yemaHebheru, kutsi, "Sifanele silahle konkhe lokusindzako," lesosahluko se 12, kutsi wakhulumu loku, emvakwekuba besavele asikhombisile sibonelo, emuva lapho: labo labachubeka; labo labangachubekanga; labo labalandzela ngalokusivuvu; labo labalandzela benyuka ngembili; labo labalibala ngemuva. Konkhe, wakhombisa tibonelo. Wase uyajika utsi, "Asilahle konkhe lokusindzako, tonkhe tintfo letisitsandzelako, kuze sigijime ngekubeketela kulomncintiswano lesiwumiselwe; sibukile kuYe, uMcalisi neMphelelisi wekuKholwa kwetfu, Losinike sibonelo." Senta loko manje ekuseni, Babe.

¹⁸⁶ Manje, tinhloko tetfu tikhottseme, manje hlolisani sibili, impela, ngalokusondzele sibili. Futsi, ke, banini cottof ngalokujule sibili. Nje ku—nje kubita...Nguloko kuphela lokukubitako: kuhlola kwakho nebucotfo bakho. Cophelela impela njengoba uhlola manje. "Ngihbole, Nkhosi. Ngivivinye. Ngabe bukhona bubi kimi na? Uma bukhona, Nkhosi, angibubeke phansi, khona lapha manje. Lendzawo, lapho

ngikhotseme khona, yi-altari yaKho. Ngibubeka phansi, khona lapha manje, ngibeke tinyawo tami etikwabo. Uma sengisuka ngihamba, butolala lapho. Emandla eNgati yaKho atobucedza. Ngifuna kuba ngumncobi. Nginentfo letsite lengikhatsatako, Nkhosi. Ngifuna kuncoba, manje ekuseni. Ngingakwenta, ngaWe. Ngitjeliwe loko, Livi laKho. Ngibubeka phansi manje, Nkhosi, futsi ngibeka tinyawo tami etikwabo. Njengoba ngendlula ngiphuma kulesakhiwo manje ekuseni, ngihamba, kwati kutsi bufakwe e—emgconyeni wesisusa mabala saNkulunkulu. Abusayobuye bukhunjulwe. Manje ngitobuvuma futsi ngicele sihawu.”

¹⁸⁷ Ngetinhloko tetfu tikhotseme, emehlo etfu avaliwe; tinhltiyo tetfu ticabanga, lowo ngumnyango loya emphefumulweni manje. Ngabe ikhona yini intfo lofuna kuyilahla manje ekuseni, intfo lofuna kuyincoba na? Futsi utame kamatima sibili, kodvwa, manje ekuseni, utoyekela nje kwetama. Utokwemukela nje loko Lakwentile. Ngifuna nje uphakamise sandla sakho, utsi, “Nkhosi, ngifuna kuncoba. Intfo letsite iyangikhatsata.”

¹⁸⁸ Nkhosi Jesu, Uyatibona letotandla. Manje, njengenceku yaKho, ngime emkhatsini walabaphilako nalabafile, ngilahla yonkhe lentfo lekhatsata labantfu nami lucobo. Futsi ngikucela eGameni laJesu Khristu, singayishiya ilele lapha e-altari laNkulunkulu, futsi sisuke sihambe manje ekuseni, sikhululekile, njengebancobi.

¹⁸⁹ Uma bodzadzewetfu bangakaze babenawo umusa phambilini, kwangatsi ungaphiwa manje, Nkhosi. Uma banaketfu bangakaze babenawo umusa, kwangatsi ungaphiwa manje. Futsi kwangatsi, ngekutfobeka, make nebantfwana bakhe, esikhundleni sekuba ngulabanenkhani. Uyati kutsi ubeka...Ungumshumayeli kulabantfwana labancane. Imphilo yakhe isibonelo. Babe usibonelo kumake, ngoba uyinhloko yendlu. Make beketama kutsi ambuse; angeke asaphindze akwente. Nangabe bekamsebentisa kutsi abe limethi laphansi, akusanawuphindze kwentiwe. Ungumsiti. Siphe kona, Nkhosi. Kwangatsi tonkhe letintfo leti letisivimbela, Nkhosi, tingasuswa.

¹⁹⁰ Si—sitinikela tsine, Babe, kutsi sikhatsi sini sekuphila lesinaso ngembikwetfu, sati loku, kutsi sitofanele sifike ekupheleni kwaso, futsi loko masinyane nje. Ngako, manje ekuseni, sitsatsa lelitfuba, emvakwaloMlayeto. Sitsatsa lelitfuba, Nkhosi, kutsi site, ngoba siyayalwa kutsi site. “Phonsa tinkhatsato takho etikwaKhe, ngoba uyakunakekela.” Ngiyati kutsi Uyakhatsalela, Nkhosi. WakhatSalela ngalokwenele kutsi ufele tsine. Futsi singakhatsalela ngalokwenele kutsi site futsi semukele Lolowakufela.

¹⁹¹ Singcwelise, Nkhosi. Sigcwalise kabusha ngaMoya loyiNgewe. Kwangatsi uMoya loyiNgewe ungarusa nje

etinhlitiyweni tetfu, ngalokukakhulu, kutsi sitohamba, sikhohlwa tintfo letisemuva, lenkhucunkhucu neludzaka lesake saphila kuko. Sitophikelela emgomeni wekubitwa lokukhulu, lapho tiBane tetfu tingakhanya khona kakhulu ngebumnandzi nangekfobeka, kuze kutsi wonkhe londlulako angatsi, “KunemKhristu lohlala laphaya kulelagcuma. Lowomuntfu, lowowesifazane, lowowesilisa, uyimbali yaNkulunkulu lenikelwe sibili. Banemoya lomuhle kakhulu futsi balunge kakhulu, bahlala njalo batsandza futsi banemoya lomuhle, nekucondza.” Siphe kona, Babe. Asibe nekubaba kwaswayi, kuze umhlabu wome; siphe kona, Babe; futsi ncoba tintfo talelive, netinkhatsato talokuphila. EGameni laJesu Khristu. Ameni.

Ngiya . . .

Manje asiphakamise sandla setfu nje.

. . . Msindzisi . . .

Abitani na? “Yenyuka, uphume eludzakeni.” KuPhila lokuphakeme; Intfo letsite ikuwe, ikudvonsela ngale. Iyini na? NguYe. Phansi eludzakeni, timbali letincane; unekuPhila ekhatsi lapho, kucindzetela kuwe. Nguloko lokunibitako, “Yenyukani, niphume eludzakeni.”

Landzela, landzela . . .

¹⁹² Manje, nikusho mbamba yini? Manje valani emehlo enu.

Laph’Engiholela khona ngitola- . . .

Manje tinikele. Kusho sibili loko, manje.

Laph’Engiholela khona ngitolandzela,
Laph’Engiholela khona ngitolandzela,
Ngitoomba naYe, naYe, yonkhe indlela.

Laph’Engiholela khona ngi . . .

Ngebumnandzi manje nje. Khumbulani, tibekewena lapho.

Ahola . . .

“Ngitokubeka lapha, Nkhosi. NgitoKulandzela, kusukela manje kuchubeke. NgiyaKwemukela. NgiyaKukholwa.”

Laph’Engiholela . . .

Khumbula, imphilo yakho itofakaza kakhulu kunemlomo wakho. Lolokuphilako kutofakaza kubantfu kakhulu kunaloko lokushoko.

Hamba naYe, naYe, (indlela, kuphi na?) yonkhe indlela.

[UMnaketfu Branham ucala kuhamisha *Laph’Engiholela Khona—Umhl.*]

¹⁹³ Nje tinikeleni cobo lwenu, ngalokujulile, ngalokucotfo, yonkhe inhlitiyo yakho. Kube ke lesi bekusikhatsi sakho sekugcina lobewungake uvunyelwe ngaso kutsi ukhuleke ke?

Kungahle kube ngiso. Ngiyetsema kutsi akusiso. Kungaba ngiso. Ngako-ke, ciniseka manje, ciniseka sibili, ciniseka sibili. Khumbula, umnyango utovala, ngalelinye lilanga, khona-ke kuyobe sekuphele konkhe. “Celani, nitawuphiwa.”

[UMnaketfu Branham ucala uhamisha *Laph'Engiholela Khona—Umhl.*]

¹⁹⁴ Cabangani nje ngayo yonkhe lenkhatimulo Laninike yona, yonkhe intfo Layentile. “Ngiyakholwa, Nkhosi. Ngiyakholwa. Ngiyakholwa kutsi Ungumncobi wami. Ngihamba naWe nje, Nkhosi. Ngifuna kuhlala ngisondzele kuWe, kutsi lapho Ukhona, lapho ngifuna kuba khona nami.”

¹⁹⁵ Futsi khumbula, Wasitjela, Babe, kutsi, “Siyoba neNkhosi ingunaphakadze, uma sesihlwitfwa.” Nje sinekutsi—kuMutsi nje nhla, Asahamba natsi manje. Kodvwa-ke sitawu... Kuyintfo lenkhulu kanjani pho, kwati nje kutsi Usemekhatsini wetfu—wetfu! Kuyobanjani lapho sesinaYe ingunaphakadze na? Sitsandza kakhulu konkhe kwemisebenti yetfu: singaphuma sigibe; singahamba siyotsenga; singahamba siyotingela, sidwebe, noma ngabe yini lesingayenta ngekutamasa. Kodvwa, o, uma indlu yekukhontela ivula, sifuna kuhlangana neNkhosi yetfu. Loko ngulokukhulu kakhulu kunato tonke tintfo. Ngako-ke, cabangani, Wasetsembisa. “Futsi sibe neNkhosi ingunaphakadze. Sihlale naYo esihlalweni saYo sebukhos, futsi sibe naYo ingunaphakadze.” O Nkulunkulu, tsine ngekutitfoba, ne—netinhloko letikhottseme, siyakwemukela, Nkhosi, eGameni laJesu Khristu.

¹⁹⁶ Niyativela kutsi ningavele nje nihambe, manje, yonkh’ntfo, wonkhe umtfwalo na? Ningavele nihambe nje niwece, ngetulu kwako manje? Uma niva, phakamisani sandla senu, nitsi, “Ngemusa waNkulunkulu ngibeka phansi lokuvivinywa loku. Anginakulwa nako, nhlobo. Ngitobamba sandla saKhe nje, ngicale kuhamba ngichubeki.”

“Ngilwile, Mnaketfu Branham. Ngitamile kuyekela kubhema. Ngi—ngitamile kuyekela tinwele tami tikhule. Ngitamile kwenta *loku*. Ngente... Ngitamile, kakhulu sibili, Mnaketfu Branham. Nje angikhoni kukwenta.”

Ungasakutami, nhlobo. Bamba sandla nje saKhe, utsi, “Babe, Wena faka sandla sami ekhwapheni.” Niyabona na? “NgitoKunika sandla sami nje. Ngitohamba ngichubeki, Nkhosi, ngibuke kuWe.” Kutokwenteka. Kutokugcokisa njengemKhristu sibili. Utoba ngumKhristu sibili.

¹⁹⁷ Ngite nginibone, kusihlwa, Nkulunkulu anitsandze futsi abe nani. Nibantfwana bami beliVangeli. Ningulabatsengiwe.

Manje ngibuyisela umelusi wenu, emuva kini, kutsi anikhiphe, uMnaketfu Orman Neville....?....



NGINGANCOBA KANJANI NA? SSW63-0825M
(How Can I Overcome?)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo ekuseni, ngenyanga yeNgci 25, 1963, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org